

東

華

續

錄

臣朱壽朋敬編

臣章圭璋恭校

三月乙巳朔遣奕仁致祭 昭西陵○丙午諭軍機大臣等御史戈靖奏省抽釐養勇於事無益請飭規復綠營補制挑選鄉練編入行伍將楚勇全行裁撤並講求銅鹽水利諸稅課廣成地方官發實征解其釐金一項惟於省會及各巨鎮酌留數局偏遠州縣概免抽收等語著劉長佑杜瑞聯體察情形悉心酌覆奏明辦理原片均著鈔給閱看將此各諭令知之○諭軍機大臣等楊重雅奏馮子材親赴太原勦賊各摺片覽奏均悉宣光附近皆山與涼省接壤著劉長佑杜瑞聯先事籌維督飭地方官嚴密防堵不得稍涉疏虞○戈靖奏開捐日久弊竇滋多塞其流而不濟其源仍無以挽積習而臻上理謹將停捐未盡事宜就管見所及繕晰陳之一銓補宜亟為變通也自開捐以來部臣為鼓勵捐輸起見捐納一途多立插班名目內選外補佔缺獨多以致正途人員均被積壓現在捐輸已停自應疏通正途以肅吏治擬請飭下吏部將從前分立捐納插班名目併為一班於各班統用一輪後酌用一二人所有原佔各缺卽以正途人員抵用其外省選缺非照章應留者均令咨部銓選不得以應補有人儘數扣留外補以復

舊制至六部郎中員外郎選缺向係一留補一留題一咨選以三缺爲一輪主事選缺向係二留補二留題一咨選以五缺爲一輪留補及咨選之缺多爲捐班所佔榜下分部者未免向隅今捐納人員既少應請將郎中員外郎選缺改爲三留一咨一留題二留補三留題四咨選主事選缺改爲五留一咨一留題二留補三留題四留補五留題六咨選題補之缺多則在部辦事者得缺較易庶正途日見疏通而吏治可期整頓矣一考試宜認真棄取也捐納及各項人員非由正途出身者向於銓選分發到省時由督撫面加考試別爲一二三等一二等照例委用三等實在開缺候補者停委道府州縣等官以佐貳雜職降補不列等者咨回原籍學習誠以職守所在必讀書明理始可望其爲守兼優否則假以冠戴之榮未便畀以事權之重立法本極周詳乃近年以來惟雲南考試認真有降補及咨回原籍學習之案他省雖照常考試未聞懲處一人豈所屬濫通品哉大都場規未能認真傳遞代倩勢所不免督撫又瞻徇情面視爲具文殊非澄敘官方之道擬請 飭下吏部申明定例並仿照禮部考試章程搜檢挾帶稽查傳遞嚴防搶替認真棄取將各省試卷彙齊每年奏派大臣磨勘一次其佐雜各官亦有公贈往來不得僅以書寫履歷塞責應仿照在京各衙門考試供事試以告示判語以免濫竽一流品宜實力稽查也戶部奏停捐輸改復常捐單內聲明實監爲士子進身之始必取具同鄉京官印粘方准給照原以防身家不清之

弊因思封典職銜等項皆 朝廷名器所關若任其朦混報捐恐污賤之人得與衣冠之列其子孫因而
應試出仕流品更易混淆擬請 飭下戶部嗣後報捐封典職銜均令取其印結領照卽常例所有捐復
捐免各條其中難保無規避取巧情事應否一併取結領照之處由戶部酌擬辦理至朦混出結處分恭
嚴然一經檢舉例止罰俸其無俸人員自知補缺無期卽有處分多途 恩詔援免故出結時並不詳加
考察自弊叢生查八旗人員一切事宜向係現任佐領出具圖片應請嗣後漢員卽比照八旗圖片之例
必現任食俸五六品京官方准出結以專責成而昭慎重一書吏宜嚴加防範也各部院書吏役滿例咨
吏部發掣從九等官令其回籍候選並將到籍日期由地方官報部不得在京逗遛誠以此輩蓄役日久
例案相沿難保無勾串招搖情事乃自捐納一開而巧黠之徒往往加捐州縣佐貳等官在部投供甚至
報捐京職久住京師名爲候選當差實則身仍辦事且有現充書吏而卽爲子弟報捐部屬者上下勾結
因緣爲奸流弊伊於何底查各館供事卽蓋有異常勞績亦不得保舉正印官階何以書吏報捐漫無限
制擬請 飭下吏部明定章程凡有書吏報捐京職及正印各官者概以佐貳等官降改並令現在投供
候選者報捐分發如其子弟現捐京員亦令一律改外統限於半年內呈明倘逾限逗遛別經發覺從重
懲處以杜盤踞把持之弊下部議奏○諭旨元警奏各省設局經費浮濫當降旨諭令各該督撫裁減歸

併茲據御史戈靖奏直省各局不惟經費虛糜亦且保舉多濫等語著各該督撫遵前有體察情形迅將各局裁併以節糜費所有承辦局務各員並不准援照軍務保案請獎致滋濫冒至各省捐局委員亦不得率行濫保○丁未命五城煮賑展限兩月○戊申諭黃體芳奏大臣覆奏欺罔據實直陳一摺據稱工部尚書銀壽慈與商人李鍾銘毫無瓜葛惟李鍾銘前後兩妻與壽慈皆認爲義女往來一如親串銀壽慈之轎常時停放其門地當孔道人人皆見前次覆奏之語顯然欺罔等語銀壽慈身爲大臣於奉旨詢問之事豈容稍有隱匿自取愆尤此次黃體芳所奏各節著該尚書據實覆奏不准一字捏飾如敢迴護前奏稍涉欺蔽別經發覺決不寬貸以上各節並著都察院堂官歸入前案會同刑部將李鍾銘嚴切訊究○己酉予故陣亡福建提督林文察於漳州建祠○庚戌諭朕奉 慈安端裕康慶昭和莊敬皇太后 慈福端佑康頤昭豫莊誠皇太后於本月二十一日啟鑾後著派惇親王協辦大學士尙書全慶尙書耆煦步軍統領榮祿留京辦事惇親王全慶耆煦三人分日輪班在內值宿不值宿者於申刻散值榮祿每日進內辦事後毋庸值宿午刻先行散值○命索布多爾扎布齡海寬岡於三月十六日恭請 東陵查勘紅橋○命大學士載齡李鴻章恭寫 神牌○遺本榕隆懋戰治載激捧 冊寶入地宮○遺奕仁捧 惠陵原土○諭銀壽慈奏遵旨據實覆奏並自請治罪一摺據稱該尚書會同李鍾銘所開寶名

齊鈔鋪購買舊熟照常交易並無來往情弊去冬至今常在琉璃廠恭演 龍輦車時或順道至該鋪查閱舊本等語似難悉此次所奏各節何以前次回奏時未經據實陳明且恭演 龍輦車係屬承辦要務所稱順道查閱舊本殊屬非是實恐慈著先行交部議處尋降三級調用不准抵銷○命沈葆楨入覲以吳元炳署兩江總督並辦理通商事務大臣勒方銘護理江蘇巡撫○金順奏奴才自同治七年督隊援陝掃剿甯夏賊匪十年八月奉 命馳赴鄜城剿賊即於八月十七日由甯夏拔隊前進至三道河什拉胡魯蘇地方酌留馬步數營在彼駐紮奴才督隊馳抵什巴爾台等處所需官兵鹽糧各項同治十年八月十七日以前業已造冊報部核銷在案十年八月十七日由甯夏拔營之日起需用車需奉准部議陝甘雲貴四省軍需報銷統限於同治十三年十二月以前一律開單奏銷等因彼時奴才奉 旨幫辦新疆軍務正在關外揀拔精銳馬步各軍進紮古濟一帶軍務正在喫緊之際未能遵限開單奏銷且關外道路迢遙諸多窳穢運送軍糧軍火以及一切應用車械等項購諸關內遞運到營動輒萬里不特與東南各省情形迥不相同即較之秦隴宵蕩勢亦倍蓰奴才所部馬步各營月需糧鹽關內尚能接濟惟關外赤地千里百物蕩然運糧一石費增十倍加度戈壁踰天山駝馬之倒斃車輛之折損風雲所飄壓駁耗所耗費種種艱難掣肘之狀不能殫述以致所支之款與例多有未符而時地所迫事在必需實不

容稍涉拘泥致誤戎機計自同治十年八月十七日以前欠發餉銀六十六萬餘兩又自同治十年八月十七日以後截至光緒三年十二月底止各省關歷年欠解銀七百一十餘萬兩有奇所欠既鉅所累愈深餉項不濟官兵困苦莫此爲甚至採買軍火器械運送腳價雜支各款均係實用實銷並無浮冒奴才受 恩甚重從戎二十餘年深知軍餉絲毫爲重無不力求撙節加意綜核事可不需雖例所應支之款不敢濫用以虛糜事在必需則例所不支之款不敢惜小而誤大因應之間悉歸以實所以按之例章難以符合迨至報銷時部 臣實有專司比較例案浮多之款駁飭刪減賠補軍營承辦之員奉到部文勢必截長補短挹彼注茲期與例案相符奴才再四籌思與其影射挪移舞文造冊何若開除浮冒據實直陳請將軍需用欸自同治十年八月十七日起至光緒三年十二月底止依陝甘雲貴成案免造細冊開具簡明清單奏請報銷以昭核實得 旨如所請行○諭景廉等奏盤查米石完竣開單呈覽並據軍道連奏倉米短缺將監督奏參並自請議處一摺倉廩正供豈容稍有短缺南新倉米石竟虧至九萬五千九十餘石之多殊堪痛恨應嚴行究辦以昭儆戒該倉花戶祁芳王鈺曹吏吳裕隆韓綬現在潛逃無蹤著步軍統領衙門順天府五城御史一體嚴拏按名弋獲送交刑部嚴審究辦小甲金瑞藩先行交部審訊該倉監督工部員外郎豐林兵部主事董泗職司典守於倉糧虧短毫無知覺形同弊曠且恐有徇隱

使蝕等弊均著先行交部嚴處撤去監督之任聽候傳訊倉場侍郎畢道連未能先事覺查亦屬咎有應得並著交部議處查倉御史著刑部於定案時聲明請旨所有虧短米數著落悉數賠補應如何分賠之處由該部查核辦理該倉現存米石著倉場侍郎即赴倉加封以備開放○辛亥遺木格柰 神牌入
鑾殿○道慶恩毓楠錫珍等恭送 神牌還京○壬子日本滅琉球以其王尙泰跪改置沖繩縣○諭

本年三月二十一日朕奉 慈安端裕康慶昭和在皇太后 慈禧端佑康頤昭豫莊誠皇太后

啟鑒二十三日敬詣 隆福寺二十四日奉移 穆宗毅皇帝 孝哲毅皇后梓宮至 惠陵隆恩殿二

十六日永遠泰安 山陵禮成後恭奉 神牌奠奠還京所有大興通州三河薊州遵化五州縣經過地

方應徵本年錢糧著全行蠲免並著順天府尹直隸總督速即刊刻給黃過行曉諭俾闔閭均沾實惠

○以孫家鼐爲內閣學士○癸丑諭前據銘安等遵查城守尉出署無蹤各情當交該衙門議奏茲據會

議具奏此案降補呼爾城守尉惠安未奉札飭輒行交印去任潛行無蹤實屬擅離職守佐領托什納於

教供誣扳逼認各情漫無覺查且並不與該城守尉會辦佐領楊和巴克唐阿於巴彥倉代該尉捏擬病

呈開缺不查虛實隨同辦理實屬昏愾糊塗惠安托什納楊和巴克唐阿均著照部議卽行革職黑龍江

將軍豐紳應得降三級調用處分著加恩改爲革職留任佐領勒爾克著照部議罰俸六箇月准其抵

銷○甲寅命靈桂徐桐爲殿 樞大臣○督辦福建船政大臣吳贊誠因病乞休允之○命曹濟堂功德

林煮賑展期兩月○諭前據都察院奏江西試用從九品龔榕敬陳管見十二條據呈代奏一摺詳加披

閱所陳取真才中之變通文武兩試汰冗兵中之移紮提督罷撤塘汛裕財用中之裁恩養卹賞及宗室

廩稍加增丁錢暫除烟禁並鑄銀餅一條或變史成法或有傷政體均屬窒礙難行其請廣儲停外捐

省則例減差役核外官業已見諸施行著毋庸議惟請疏水利以固淮揚關係漕運事宜著該督撫體察

情形酌議具奏又請增京廉一節能否辦理著該部議奏至求人材以達速情一條及各案內有關邊防

等事著著交該衙門詳細查閱用備採擇○乙卯以 神龜工竣遣世鐸行禮○以潘祖蔭爲工部尙書

章華爲左都御史以孫家鼐署工部右侍郎轉黃仲爲吏部左侍郎調夏同善爲吏部右侍郎以朱智爲

兵部右侍郎○丙辰祭 歷代帝王廟遣世鐸恭代行禮○丁巳 上詣 大高殿祈雨○諭軍機大臣

本月二十九日朕恭奉 慈安端裕康慶昭和莊敬皇太后 慈顯端佑康頤昭豫莊誠皇太后回京所

有留京王大臣及步軍統領左右翼總兵管理各旗營王大臣均著在朝陽門外東嶽廟接駕毋庸前赴

燕郊其餘在京之王大臣等均著在燕郊接駕至留京王大臣是日應值班者並在內值班之王大臣均

照例毋庸城外接駕○以恩麟爲內閣學士○己未諭朕恭奉 慈安端裕康慶昭和莊敬皇太后 慈

福端佑康頤昭豫莊誠壽太后敬詣 隆福寺奉 穆宗毅皇帝 孝哲毅皇后梓宮至 惠陵永違

泰安 山陵禮成後恭奉 神牌黃輿回京所有經行道路理宜備加整肅管道大臣督率官兵各在

副管段落駐守敬謹稽查並著步軍統領衙門直隸總督飭令該管各員弁一體嚴加管束概不准隨風

執事員役人等車馬踐踏及於路旁擁擠倘敢不遵無論大小官員即行據實糾參兵丁太監校尉人等

即著從嚴懲辦如有疏縱一經查出定惟管道王大臣是問○諭 穆宗毅皇帝 孝哲毅皇后泰安

惠陵禮成後恭奉 神牌黃輿回京業經降旨將沿途經過之大興等五州縣本年錢糧全行蠲免惟念

方春東作正麥苗滋長之時所有由京至遵化州一帶經過地方除隊地不計外凡有平毀麥田者著再

加恩照借給麥種之例每畝賞給銀一錢俾農民購買籽種補植新禾卽於直隸藩庫節年耗羨款內動

支給領核實報銷○上諭 奉先殿 壽皇殿行禮○諭前因張佩綸奏四川候補道寶森特膺保薦恐

以虛譽邀恩當經諭令丁寶楨將該員籍有何項實績據實奏聞並令李鴻章查明寶森在直隸時官聲

政績詳細具奏旋據李鴻章覆陳該員前在直隸歷任州縣官聲尙好在饒陽縣任內擊獲從逆要犯得

邀保獎茲據丁寶楨奏稱寶森在川省籌辦馬邊夷務及裁撤夫馬局供應辦理木坪土婦爭印謀煽要

案委辦變關隘務均能得力旋因馬邊案內勞績酌予保獎等語寶森既據李鴻章丁寶楨先後查明居

官情形及保獎緣由卽著毋庸置議仍著丁寶楨隨時留心察看倘或始勤終懈卽行據實參劾毋稍迴
護○庚申諭前據都察院奏侍衛儀興額呈控署吉林將軍銘安於奉旨派崇綺等查辦事件後卽賄遣
哈廣和與金匪韓効忠送信令其暫避等情當諭令崇綺馮譽暉查明具奏茲據奏稱詳細查訊上年九
月間並無銘安家丁自京赴吉副將哈廣和被儀興額控告經銘安勸調回省在營聽候並未違離該署
將軍派降調協領永海赴金廠審查及派協領金福等出省緝捕核計日期其時尚未得有被控信思該
侍郎等派司員尹壽衡會同協領富陵阿前往夾皮溝內上戲臺一帶查勘該處窩棚實已燒燬淨盡並
無金匪偷挖形迹游擊周衍勳亦無娶傅姓女爲妾情事該侍衛所控各節均屬子虛等語儀興額呈控
銘安各節毫無確據實屬任意妄控著先行交部議處○予新疆陣亡提督李雲青總兵陳大根等祭葬
世職○辛酉兩○以官軍擒獲穆坪滋事匪徒予知府張士康等優敘有差○予勒四川穆坪匪徒陣亡
把總樊雲芳等祭葬世職○壬戌 上諭 大高殿報謝○遣奕仁告祭 昭西陵降黜入 祭殿載澈
沿途管轄履歷冊 冊 寶○允廓爾喀貢使入覲○以辦賑出力予直隸知府扎克丹等優敘○左宗
棠奏准通政使司通政司二等男 臣劉錦棠臧庸並稱阿布都勒哈瑪父子敗竄俄屬阿來地方議投俄
羅斯俄官令其暫居邊境阿布都勒哈瑪遂勾結寄居俄境之妥集廷爾魯克木汗條勒阿希木汗條勒

改與提和卓再爲內犯之計條勒和卓者回部尊其教祖後裔之稱如中國之稱聖裔也愛克木汗阿希木汗二人本同胞兄弟卽從前首逆張格爾胞弟素齊之孫阿布都勒哈瑪之句結愛克木汗者以其爲安集延酋長應與阿古柏報復爲詞其句結阿希木汗改竄提者以其爲條勒和卓足令布魯特各部歸心也向三逆匪稱南路沿邊一帶有害數萬許爲之助待汗與和卓到卽起事奪回各城愛克木汗等信之率其屬胖色提二十餘人五孜巴什百餘人所部安集延回衆八百有奇於上年十二月十三日徑抵烏魯克哈提地方我守外卡纏回頭人布魯特頭人及回兵共二十八名被其擄去又誘誘正西西南一帶布魯特各部其不從者殺之至臘底聚衆已一千七八百人山烏魯克哈提而東三百四十里爲卡浪去內卡再東六十里曰明約洛卽明要路距喀什噶爾城百里劉錦棠連接邊報賊氛漸近矣明約洛本喀什噶爾要隘劉錦棠原派總兵田九福步隊一營扼守賊不得過上臘二十八日遂繞向東南竄至畢勒套格依地方又以水草不足本年正月初一日復折而南趨至博斯塘特勒克地方卽希布察兒布魯特比所居也其左大山綿亙其右山巒起伏中爲廣谷水草甚便出谷口東南行六十里爲烏魯阿提外卡有路可通色勒庫爾一帶再東二百里爲塔什密里克之伊勒庫楚內卡出谷口正東行百六十里爲烏帕爾之烏帕拉特內卡稍南爲烏帕爾之玉都巴什內卡地皆戈壁賊由畢勒套格依北來皆必經

戈壁惟博斯塘特勒克後面兩原錯雜草木叢茂由此西北行二百里為阿依阿提外卡再西二百里為卡拉阿爾提又一百八十里為黑子里拉提遠坂逾此即入俄屬阿來地界賊之踞博斯塘特勒克者以其為布魯特比駐紮之處意在盡殺希布察克各野回部眾以厚其勢而協以謀我也劉錦棠詳考地圖稽誼各布魯特部眾而得其詳意以官軍前去必度戈壁戈壁平衍一望無涯賊得覘我虛實動靜預為準備似此示形以致寇非計之得也須伏兵山谷待賊來擊之遂定四面圍剿之策五年正月初三日派提督方友升率所部二百騎進烏帕爾提督譚慎典率所部二百騎進玉都巴什駐營兩營相距二十里飭分段偵明賊蹤隨時飛報又陰縱卡內布魯特人投入賊中伴言官軍無多誘其深入初七日方友升報賊眾大至約二千三四百人游騎已擾至烏帕拉特近邊劉錦棠遂留知府袁達齡督同總兵侯名與率礮隊一旗親兵一哨守漢城總兵杜錫鳳率步隊一營守回城先派提督張俊督同提督胡登花右總兵率步隊千名由英吉沙爾取道圖木舒克以向塔什密里克限初十日午正到烏魯阿提防賊旁窺又派提督董福祥督同總兵田九福率步隊千名提督張宗本總兵夏辛酉率三百騎由喀什噶爾回城取道卡浪圭拔至無胡素費克該處西距烏魯克哈提百二十里東南距畢勒套格依二百里以圖截賊來路並飭官軍到時或賊尚未折轉則急進畢勒套格依駐營扼賊回窺皆令捲旗息鼓以行劉錦棠自

率道員羅長祐營勇並喀城防勇步隊一千五百名親兵步隊一百六十名馬隊二百騎於初九日黎明由喀什噶爾漢城啟行是夜接方友升馳報本日有騎賊三十餘直薄烏帕拉特卡當經擊退賊向博斯塘特勒克竄走並訊據總回擒獲探賊供稱賊中傳令是夜由博斯塘特勒克來烏帕爾搶官軍營盤劉錦棠以賊由南路來地勢平坦一經官軍勦敗退還歸業地散路平官軍雖躡賊窮追未能多殺不如先取其巢待賊返擊之遂留參將劉必勝提督段柏溪張復良李雲照已革外委何俊率步隊七百五十名紮烏帕爾莊外助同堵勦派羅長祐率提督譚慎典方友升楊金龍馬隊五百騎小馬隊四十騎及提督張春發湯彥和張仕林彭明達曾楚南總兵彭禮堂把總張鴻疇步隊七百五十名是夜由北面小路衝枚疾走向博斯塘特勒克逼進約次日天明取齊徑擣其巢部署定羅長祐即率隊前進黎明行近博斯塘特勒克谷口守巢之賊方散布谷中熟睡未醒其驚覺者倉猝間覓軍械不及我軍馬步馳至鎗礮之後繼以刀矛斃賊五百餘名訊據擒賊供稱大股賊已於初更向烏帕爾去矣羅長祐令馬步各隊暫憩谷內飲馬作炊一面派騎四出偵探午間遙見戈壁東面塵土大起偵者回報賊由烏帕爾折回羅長祐令各隊偃旗臥鼓以待方賊之由博斯塘特勒克進與烏帕爾官營也行至烏帕爾西南十里地方天尙未明其地在戈壁內久爲山水衝刷遂成平沙可容多騎賊停隊於此天明賊先率百餘騎徑撲烏帕爾

官營劉錦棠聞報卽令劉必勝何俊率隊先時擊之自寧段柏溪步隊及馬隊繼進爲其策應又令張復
良李雲照各率隊伍多張旗幟作爲兩路一由烏帕爾迤左樹林抄出一由烏帕爾迤右山溝抄出均約
於大股屯集處會隊劉必勝何俊之隊首與賊過分左右進擊之賊騎百餘敗走劉必勝何俊方躡蹤追
勦忽西南溝內大股騎賊紛紛結團衝出劉必勝何俊督劈山礮擡鎗洋鎗各隊層疊施放鏖戰正急何
俊被子傷腦適策應各營齊至號鼓齊鳴聲震山谷小馬隊回馬隊先進段柏溪步隊繼之張良李雲步隊
已由右面抄至李雲照步隊亦由左面抄至賊覘官軍馬步相依聲勢聯絡且層見側出不知多少未敢
戀戰劉錦棠揮隊壓追三十餘里擒斬悍賊百數十名見賊仍向博斯塘特勒克返窺知其已墮計中從
容收隊退至蘇巴什就水草紮營遣騎馳偵前途戰狀敗賊回窺博斯塘特勒克初十日午初卽近谷口
羅長祐令譚慎典方友升楊金龍等列馬隊於谷外令湯彥和張春發等率步隊仍伏谷中自登左面山
坡相機調度賊瞥見官軍阻其前亦整隊拼死繼進每團約四五十騎前後兩股共約四十餘團作連珠
勢與官軍接鎗敵對施半時之久互有傷亡勝負未決羅長祐令各馬隊以長矛衝陣譚慎典率數十騎
怒馬挺矛直入賊陣遇賊卽刺斬賊首買賣提斯拉木於陣前賊陣大亂楊金龍率隊由右路進方友升

率隊由左路進各弁勇無不以一當十殺賊以三百計賊既不復成陣分爲左右兩支右股多約千騎急圍奔歸巢穴徑向谷右衝入不料谷中又已設伏也湯彥和張春發等步隊見賊至突起鎗矛並進斬賊甚多逸賊乘馬翻山羅長旂磨各營馬步緊追霎時擒斬淨盡斬賊首咬買提和卓阿希木汗條勒於陣其左一支約五百騎敗後繞山谷外傍嶺腳西竄圍出阿依阿提外卡譚慎典方友升楊金龍等率馬隊躡追賊且戰且走譚慎典以一夜之力馳二百里直追至阿依阿提外卡沿途殺騎賊三百餘并奪其馬羅長旂於是夜四鼓亦拔隊前進十一日午正抵阿依阿提令布魯特騎卒馳探令譚慎典等率馬隊繼之囑以追至俄界卽止自駐阿依阿提以待十二日申刻譚慎典等馳抵卡拉阿爾提據布魯特騎卒回報賊首愛克木汗條勒阿布都勒哈瑪共剩百餘騎竄過黑子里達坂已入阿來俄境矣譚慎典始收隊回此外敗賊之竄至畢勒套格依及烏魯阿提者經董福祥張俊張宗本夏辛酉馬步各營分投搜斬淨盡馬步隊伍均於十五十六兩日先後撤回原防綜計是役除陣斬賊首阿希木汗條勒咬買提寶寶提斯拉木三名外並擒斬賊目胖色提十有七曰寶木時甘吉曰塔什巴易曰伯什伯克曰開里木曰土魯普曰太呢胡呢曰卜根胡里曰塔什寶提曰寶立提胡里曰亦司瑪儀曰遁子寶寶提曰呼土魯克曰沙底克曰沙悟的曰哈生木曰滿蘇爾曰其詳比昔阿古柏舊人也玉孜巴什六十有奇其名難以盡悉總

計是役陣斬安集延賊七百有奇布魯特賊千四百有奇奪獲鎗礮軍械馬匹駝隻無數其漏網之愛克木汗條勒阿布都拉哈瑪現竄俄境已飭沿邊各布魯特總管嚴密偵察其竄入俄境後俄官如何接待應俟劉錦棠偵探確實咨會到臣再行入告所有此次出力員弁勇丁擬彙入前次裁勦陝回及勦辦安集延逆回兩案一併保獎惟按其功次擬保多有逾限制之外者應籲懇 天恩俯准分別列保以示優

獎 上諭左宗棠奏布魯特安集延逆回官軍進剿獲勝一摺上年安集延賊首阿里達什句通布魯特逆回阿布都勒哈瑪等竄擾新疆南路邊境經通政使劉錦棠督軍擊敗阿里達什伏誅後阿布都勒哈瑪等復勾結安集延賊首等內犯劉錦棠肅明地勢設計圍攻自本年正月初三日至十二日分布各軍於烏帕爾博斯塘特勒克等處迭獲大勝追至沿邊地方計陣斬賊首三名殺賊二千數百名餘匪逃竄出境奪獲軍械駝馬無數辦理極合機宜劉錦棠運籌決策調度有方用能迅速戎機實堪嘉尚著賞給白玉柄小刀一把火鏢一把大荷包一對小荷包二箇其餘此次在事出力各員弁著照所請彙案分別從優保獎○癸亥雪○劉坤一奏請將管捐應需各項執照飭部頒發得旨管賑捐輸已據會國莖奏明咨行各省一律停止執照即可毋庸頒發○甲子子新疆陣亡總兵奎棟等祭葬世職○上諭 大高殿報謝○乙丑 上恭奉 慈禧端佑康頤昭豫莊誠壽恭欽獻崇熙皇太后 慈禧端佑康頤昭豫莊誠壽恭欽獻崇熙皇太后啟鑒

○丁卯以籌辦晉賑出力予四川布政使程燦等優敘有差○庚午卯刻大葬 穆宗毅皇帝 孝哲毅
皇后於 惠陵○諭本日敬題 穆宗毅皇帝 孝哲毅皇后牌主大學士寶璽李鴻章著賞加太子太
傅銜載齡著賞加太子少保銜沈桂芬著賞加太子少保銜○以工部堂官承辦 惠陵大事悉臻妥協
賞尚書潘祖蔭太子少保銜載齡等交部議敘○以直隸大小官員辦理差務妥慎予李鴻章等升敘有
差○予駐守隆福寺馬步各隊官員及巡防員弁優敘並賞給兵丁錢糧○諭本日 穆宗毅皇帝 孝
哲毅皇后梓宮永遠泰安 地宮大事告成在事諸臣敬謹襄辦妥協周詳俾哀痛迫切之中得以盡誠
盡禮允宜仰體 聖慈優敘闈澤所有隨入 地宮之恭親王等均著賞加二級○諭欽奉 慈安端裕
康慶昭和莊敬皇太后 慈禧端佑康頤昭豫莊誠皇太后懿旨本日 梓宮永遠泰安 惠陵闈視工
程整齊堅固在工王大臣等敬謹將事自應優加獎敘以勵勤勞恭親王奕訢總司稽察綜核精詳督催
妥速著交宗人府從優議敘伊子貝勒載澂著賞食貝勒雙俸承修王大臣等實心經理勤奮趨公醇親
王奕曠著賞食親王雙俸並在紫禁城內乘坐四人轎步軍統領榮祿前充承修大臣刑部尚書翁同龢
著交部從優議敘禮部尚書恩承著賞加太子少保銜所有在工出力人員著恭親王等查明酌量保奏
候旨施行○辛未命恩從之王公文武大小官員侍衛軍京等並自光緒元年九月起守陵 陵寢之員

子公馬蘭鎮總兵等均予優敘隨從御營之兵丁賞一月錢糧○癸酉 上恭奉 慈安端裕康慶昭和莊敬皇太后 慈禧端佑康頤昭豫莊誠皇太后回鑾○還宮○是月斯巴尼亞國使臣伊巴里回國參贊倭澤署理

閏三月甲戌朔李瀚章等奏樊口創建石閘遊 旨駁立章程開單呈覽併 旨所釐樊口建閘章程尙屬周妥著該督等飭屬興辦仍隨時體察情形總期有利無弊方爲妥善○楊岳斌奏請開去巡閱長江差使回籍省親允之○乙亥以 升附 太廟禮成 頒詔天下 覃恩有差○丙子諭前據都察院奏知縣高仁傑遺抱呈訴伊弟高文保被朱永康等謀殺身死當交廣壽錢寶廉親提屍訊茲據查明定擬具奏此案已革署山東嶧縣知縣朱永康藉事勒捐強借富商銀錢被控提取人證延不解交復聽從伊姪朱寶森將委員高文保謀殺並縱令朱寶森等逃匿官屬取險已極朱永康著發往黑龍江充當苦差已革巡檢李樹堅貪圖朱永康賄賂同捏稟追回府銷差又不將實情稟明亦屬謬妄著發往軍臺効力贖罪已革千總趙孟材卽趙孟彩贖從朱寶森謀殺高文保從而加功著絞監候秋後處決餘著照所議辦理問銜候補巡檢高文保委提案件守正不阿慘遭殺害著照銜從優議卹在逃之朱寶森韓景琦著一併嚴緝務獲究辦○詔內外大小官員於從前恩詔後陞職加銜補官者悉照現在職銜給與封

典○諭前據御史鄭溥元奏參山東巡撫文格濫索節餉規各節當經諭令廣壽銜寶廉前往查辦茲據廣壽等查明具奏該撫雖無濫索陋規確據惟每途節餉司道府等致送禮物輒卽收受殊屬不知檢束至家人收受門包該撫亦失於覺查山東巡撫文格著交部議處該省濟泉兩司並查有收受節餉禮物門包情事均屬不合山東布政使余思樞升任福建布政使前山東按察使陳士杰著一併交部議處○出使英法等國大臣郭嵩燾因病乞假回國允之○戊寅以恭辦 惠陵差務出力予花翎阿等獎敘有差○己卯會國荃奏督賑捐輸邊 旨一律停止並濫陳艱苦情形查督省自光緒三年被旱成災實因賑款無出陳情援照賑捐章程在於各省設局勸捐以助賑需茲蒙 聖訓飭令停止自當踴躍 朝廷正本清源之治督省何敢以賑款爲重稍事延宕卽飛咨各省並飭本省捐局將督賑捐務一律停收惟開捐以來爲日未久入項數目尙未准各省截數彙報必待詳晰行查方可次第清釐所有應造各捐生獎冊自當遵照部定期限一律咨送核辦竊思督省捐輸原爲助賑而設本非蓄有之局實與領餉不同計自開辦至今尙未週歲幸賴各疆臣仰體 宵旰之憂勤遙念晉民之疾苦廣爲籌勸藉濟需餉或因集款未齊挪借墊解以先晉賑之急是以收數較旺年來晉中之藉以支持者實恃捐輸爲大宗茲當賑務未竣捐輸倏停若欲別籌抵補之方蓋亦難矣查督省入款祇有地丁鹽課二項運省釐金近以商

賈稀少收數寥寥歲入不過六七萬兩非若東南各省之鹽菹也地丁一項停徵業已三忙而本年上忙南路必待四月方能啟徵卽值嚴於催科徵收斷難及半矧值大荒之後尤不能不加意撫字以恤飢饉餘生北路州縣縱可全數徵齊爲數不及十餘萬兩此本年上半年上忙入款之大概情形也至於鹽課一項行銷疲滯去年所收不過四十餘萬兩戶部指撥京協各綱歷皆溢於實徵數外上年賑務萬繁之時曾經奏明酌借周轉亦無餘款可抵目前之急而現在東漕急須運費各郡籽種牛具急須籌備無一項可以稍緩須臾者欽奉 聖諭飭令籌款相抵而督省艱難竟至如此別無款項可籌足以相抵此又人事窮困之實在情形也臣與司道再四思維惟有將應用賑需要款仍在於本年地丁及鹽課項下酌量借支以救眉急而拯災黎一俟年穀順成錢糧鹽課徵收足額三晉乃有生機報聞○辛丑以禮部司員承辦惠陵差務出力予英文等獎敘有差○癸未諭吏部奏遵議巡撫文格等處分一摺山東巡撫文格布政使余思樞福建布政使前山東按察使陳士杰身爲大員輒敢收受節壽禮物實屬咎有應得均著照部議降三級調用不准抵銷文格等失察家人收受門包應得降一級調用處分均著准其抵銷○以襄辦典禮出力予書紳等獎敘有差○追予浙江殉難照磨張伯笏建祠○甲申 上諭 大高殿祈雨○以周慎祺爲山東巡撫調任道銜爲直隸布政使孫家毅爲浙江按察使薛允升爲山東布政使松椿爲

山西按察使慶裕爲福建布政使邊寶泉爲陝西按察使○命裕祿入覲以傳慶貽暫慶安徵巡撫○乙酉○諭丁寶楨奏四川富仁縣匪紳候選王餘照倚恃富豪欺壓鄉里被控之案多係私引局抽收并釐侵吞公款並佔買已字民女爲妾等語似此恃勢橫行亟應從嚴懲辦卽著先行革職交丁寶楨提審確切審辦以示懲儆○以承辦 惠慶差務出力予卹卹等升敘有差○丙戌諭前因侍衛吳頤所控銘安各節毫無確據任意妄控當經降旨將該侍衛先行交部議處茲據兵部遵議具奏正黃旗四等侍衛吳頤著照部議降三級調用毋庸查級議抵○上諭 大高殿報謝○命楊重雅來京調張樹聲爲廣西巡撫以岑毓英爲貴州巡撫○諭軍機大臣等本日已有旨令楊重雅來京另候簡用廣西巡撫令張樹聲調補並飭其卽赴新任楊重雅並俟張樹聲到任後再行交卸起程官軍勦辦李揚材股匪久未肅清張樹聲未到任以前楊重雅實無旁貸所有勦賊權宜仍當與馮子材妥籌商辦不得存五日京兆之見致滋延誤將此由五百里各諭令知之○彭玉麟奏巡關長江起程得 旨著督同李成謀認真巡閱整頓以副委任○丁亥以直隸通永道英畧於河工吏治未能認真整頓開缺另補○上諭 太廟行禮○己丑陝西巡撫譚鍾麟因病乞休不允○庚寅岐元等奏奉天圍場與東邊毗連前據總辦邊務東邊陳本植以該道行繩所至私獵圍地流民環求一體行繩稟經前署將軍侍郎崇厚遵派委員

周歷履查實因圍地濶闊防範維周流民潛入私墾爲時既久人戶衆多如那丹伯土口子梅河等處以及大沙河一帶墾地居民阡陌相連並有直東雜民陸續前來搭蓋窩棚者概行驅逐鋌而走險所關甚重不得不急思安插是以奏懇 皇仁寬其既往已墾者概予查丈升科未墾者劃清界限應撥運者撥運零星散戶擇地安插歸併辦理寬留大圍場以便講武照舊舉行業蒙 恩准前因東邊道督辦南路事務煩重未能兼顧復派 配名副都統兵司協領文緒總辦圍場事宜帶領滿漢各員旗綠練兵前往妥爲辦理奏明在案嗣據該協領文緒稟報查石圍場山水形勢劃分界限體恤民情艱苦相地撥選應留大圍依山者挑挖長壕斡河者設立封堆計留大圍地畝周圍千有餘里擬將那丹伯等四臺所管圍段私墾人戶均全遷出在柳河南北兩岸現挖大圍壕外擇地安插解圍場原有私墾流民就地升科統計開墾地畝自土口子起入東大溝斜向東北至色力河灣封堆止長三百五六十里南北寬一百餘里至四五十里不等南與新設通化縣接壤北界以現挑圍壕及五石封堆輝慶河南爲界稟經前署將軍侍郎崇厚批准亦在案茲復據稟稱大圍內流民概已遷出僻圍內流民就地升科除山河樹木外共計撥領荒熟各地一百零二萬餘畝經總分各局委員查丈完竣收押荒東錢一百二萬餘千照東邊章程每畝徵正額銀二分耗羨銀一分擬於本年秋後起徵按年納課繪具圍場圖說稟請酌議善後事宜前

來奴才等伏思鮮圍每歲捕鮮大圍以備講武均係封禁之地從前防範不嚴以致流民私墾仰蒙 聖
恩浩蕩俯准升科既經委員撥地安插查丈完竣若不教養生聚難期長治久安巨大圍地面千有餘里
尤當妥爲保護如仍專賴各臺兵看守地遠山深日久生懈恐不免仍蹈故轍而現准升科地畝縱橫數
百里處處與大圍接壤流民又係甫經安插良莠不齊亟應設官添兵加意撫綏嚴防圍山藉杜侵墾但
設官事易籌餉爲難按升科圍地百萬餘畝計歲收正課銀二萬餘兩耗羨銀一萬餘兩以耗羨設官計
可敷衍以正課添兵斷斷不敷邊地民情粗野桀驁難馴尤非重兵難資鎮懾惟有抽調開原義州等處
額兵二百名由省挑選蘇拉三百名撥往巡防分別酌加口分訓練經費始堪敷用即可不必另行籌款
並擬添設總管一員督辦全圍事宜設佐領二員分爲左右翼長防禦四員騎騎校四員筆帖式一員分
司其事設撫民通判一員管理詞訟巡檢一員專管監獄圍內開禁地方以河龍城地居上游最爲扼要
總管通判卽於該處駐紮以資控制兩佐領分駐朝陽鎮西山城子亦能策應並以東邊天致而隴南有
東邊道北有 興京副都統東有圍場總管星羅棋布互相聯絡仍復分疆劃界各有責成若能任用得
人可期漸臻上理卽大圍果能認真保護於數年後孳生蕃息冬兩亦可以照舊舉行下部議奏○吏部
奏爲司員派出行禮後在途服毒自盡遺有封口密摺據實奏 聞據順天府咨呈本年閏三月初九日

據劍州知州劉枝彥稟稱光緒五年閏三月初六日戊刻州屬馬伸橋鄉保張利稟報本街東頭三義廟於三月二十一日有一隨差之人住在廟內至本月初五日夜間服毒身死請詣驗等情接閱之下不勝駭異當即親詣看驗知係吏部吳主政名可讀在此服毒殞命遺有封存密摺一匣遺書囑囑囑囑囑囑呈吏部代遞並有出劍州境界一步即非死所等語除備置棺木衣衾盛殮派役看守外相應稟呈等因據稟咨送吏部核辦前來臣等查司員呈遞代 奏摺件向由該堂官公同閱看查無違悖字樣始行具 奏今臣部派往隨同行禮主事吳可讀業已服毒身死且係自行封存摺件遺囑懇請代 奏有無違悖字樣臣等既未便拆閱又不敢殞於 上聞謹將原封奏摺恭呈 御覽與可讀奏為以一死泣請 誌旨預定大統之歸以畢今生忠愛事竊 罪臣聞治國不諱亂安國不忘危危亂而可諱可忘則進苦口於堯舜為無疾之呻吟陳隱患於聖明為不祥之舉動 罪臣前因言事忿激自甘或斬或囚經王大臣會議 奏請傳 臣質訊乃蒙我 先皇帝曲賜矜全既免 臣於以物而死復免 臣於以囚而死又復免 臣於以傳訊而觸忌觸怒而死犯三死而未求生而再生則今日 罪臣未盡之餘年皆我 先皇帝數年前所賜也乃天崩地坼忽遭十三年十二月初五日之變即日欽奉 兩宮皇太后懿旨大行皇帝龍馭上賓未有儲貳不得已以醇親王之子承繼 文宗顯皇帝為子入承大統為嗣皇帝俟嗣皇帝生有皇子即承

繼大行皇帝為嗣特諭罪臣涕泣跪誦反覆思維竊以為 兩宮皇太后一誤再誤為 文宗顯皇帝立子不為我 大行皇帝立嗣既不為我 大行皇帝立嗣則今日 嗣皇帝所承大統乃奉我 兩宮皇太后之命受之於 文宗顯皇帝非受之於我 大行皇帝也而將來大統之承亦未奉有明文必歸之承繼之子即謂 懿旨內有承繼為嗣一語則大統之仍歸繼子自不待言罪臣竊以為未然自古擁立推戴之際為臣子者所難言我 朝二百餘年 祖宗家法子以傳子骨肉之間萬世應無間然况醇親王之公忠體國中外翕然稱為賢王觀王當時一奏令人忠義奮發之氣勃然而生言為心聲豈能偽為罪臣讀之至於啾哭不能已已倘王聞臣有此奏未必不怒臣妾而憐臣之愚必不以臣言為開離間之端而我 皇上仁孝性成承我 兩宮皇太后授以寶位將來千秋萬歲時均能以我 兩宮皇太后今日之心為心而在廷之忠佞不齊即眾論之異同不一以宋初宰相趙普之賢猶有首背杜太后之事以前明大學士王直之為國家舊臣猶以黃珰請立景帝太子一疏出於蠻夷而不出於我輩為愧賢者如此遑問不肖庸人如此奚啻新進名位已定者如此况在未定不得已於一誤再誤中而求一歸於不誤之策惟有仰乞我 兩宮皇太后再行明白降一諭旨將來大統仍歸承繼 大行皇帝嗣子 嗣皇帝雖百斯男中外及左右臣工均不得以異言進正名定分預絕紛紜如此則猶是 本朝 祖宗來子以

傳子之家法而我 大行皇帝未有子而有子卽我 兩宮皇太后未有孫而有孫異日繩繩揖揖相引於萬代者皆我 兩宮皇太后所自出而不可移易者也罪臣所謂一誤再誤而終歸於不誤者此也彼時罪臣卽以此意擬成一摺由都察院轉進呈遞奏底俱已就草伏思罪臣業已降調不得越職言事且此何等事此何等言出自親臣重臣大臣則爲深謀遠慮出自疏臣遠臣小臣則爲輕議妄言又思在廷諸臣中忠直最著者未必卽以此事爲可緩言亦無益而置之故罪臣且留以有待洎罪臣以查辦廢員內蒙 恩圈出引 見奉 旨以主事特用仍復選授吏部邇來又已五六年矣此數年中環顧在廷仍未有念及於此事者今逢我 大行皇帝永遠奉安 山陵恐遂漸久漸忘則罪臣昔日所留以有待者今則迫不及待矣仰 鼎湖之 仙駕瞻懸 九重望 弓劍於 橋山魂依尺帛誰以我 先皇帝所賜餘年爲我 先皇帝上乞 懿旨數行於我 兩宮皇太后之前惟是臨命之身神志齋亂摺中詞意未克盡明引用率多遺忘不及前此未上一摺一二繕寫又不能莊正罪臣本無古人學問豈能似古人從容若有赴死而行不復成步者人曰子懼乎曰懼曰既懼矣何不歸曰懼吾私也死吾公也罪臣今日亦猶是庸之將死其鳴也哀人之將死其言也苦罪臣豈敢比會稽之賢卽死其言亦未必盡善惟望我 兩宮皇太后我 皇上憐其哀鳴勿以爲無疾之呻吟不祥之舉動則罪臣雖死無憾宋臣有言凡事

言於未然誠爲太過及其已然則又無所及言之無益可使 朝廷受未然之言不可使 等有無及之
悔今非臣誠願異日 言之不驗使天下後世笑 愚不願異日 言之或驗使天下後世謂 明等杜
牧之罪言雖逾職分效史鮪之尸諫祇盡忠罪 尤願我 兩宮皇太后我 皇上體 聖祖 世宗
之心調劑寬猛養忠厚和平之福任用老成毋爭外國之所獨爭爲中華留不盡毋創 祖宗之所未創
爲子孫留有餘罪 言畢於斯願畢於斯命畢於斯再罪 臣曾任御史故敢昧死具摺又以今職不能專
達懇由 臣部堂官代爲上 進罪 臣前以 臣衙門所派隨同行禮司員內未經派及罪 臣是以罪 臣再四
面求 臣部堂官大學士寶鑒始極派而來罪 臣之死爲寶鑒所不及料想寶鑒並無不應派而誤派之咎
時當 盛世豈容有疑於古來殉葬不情之事特以我 先皇上龍馭永歸天上蒼天同泣故不禁哀痛
迫切謹以大統所繫負陳悽悽自稱罪 臣以聞欽奉 慈安端裕康慶昭和莊敬皇太后 慈福端佑康
頤昭豫莊誠皇太后 慈旨吏部奏主事吳可讀服毒自盡遺有密摺代爲呈遞摺內所稱請明降 慈旨預
定將來大統之歸等語前於同治十三年十二月初五日降旨嗣後皇帝生有皇子即承繼大行皇帝爲
嗣此次吳可讀所奏前降旨時卽是此意著王大臣大學士六部九卿翰詹科道將吳可讀原摺會同妥
議具奏○辛卯杜瑞聯奏雲南安平等十六縣縣請設定學額下部議奏○壬辰撫卹琉球國遭風官員

○癸巳 上詣 大高殿祈雨 詣 太廟行禮○甲午雨○乙未嘗前福建巡撫丁日昌總督銜專駐南洋會同沈葆楨及各督撫實力籌辦海防南洋沿海水師弁兵統歸節制○上詣 大高殿報謝○丙申命丁日昌充兼理各國事務大臣○王昕奏刑賞者取天下之大柄必嚴之差聖王謹之唐虞豈有過舉必以協中垂訓者蓋至當不移乃爲得中不必是非顛倒而後爲失中也近如山東委員高文保被疑一案經尙書廣壽侍郎錢寶廉查辦定擬奉 旨照准夫刑者刑卹者卹 朝廷賞罰豈不爲然第事關綱紀風教幾微毫忽之差卽不免爲 聖朝之累此 所以深愛過計而不能已於言者也查刑律謀殺造意者斬加功者絞乃爲謀殺凡人言之若夫奉命出使爲所在官吏謀殺不論造意加功首從皆斬此案爲縣令者朱永康藉事貪贓者朱永康抗不遵提解交人證者朱永康朱寶森雖係經手過財之人於分爲卑幼於事爲聽從若非朱永康從中主使焉敢背其尊長而致人於死卽謂高文保之死實由朱寶森下手致命不過順朱永康之意旨倚朱永康之權勢爲朱永康之爪牙卽使到案自首供認不諱正與刑律謀殺使命首從皆斬之條適相脗合況朱永康既知高文保被殺身死何故捏稟自戕既知朱寶森爲殺人正兇何難立時擊獲由此以推殺有使之殺者逃有使之逃者造意首犯非朱永康而誰夫以造意謀殺之犯被殺者又係因公奉使之入並不科以尋常謀殺之罪首惡輕縱情狀顯然 朝廷以刑賞

御臣下凡有闕法戒之大端必不容絲毫之未盡今以造意首犯僅與失察之總督同科而所指謀殺正兇乃在遠處無蹤之人所擬加功之千總並未照知情之知府治以絞決之罪高文保雖隸守正不阿之論臣愚以爲當此吏治敗壞人心頹靡之時以窮兇極惡之朱永康謀人至死尙不欲置之於死天下無復有畏法之吏以權遭奇禍之高文保因公致命並未立決一命以抵其命更何以勵萬世忠貞之節近年州縣犯贓委員受賄扶同徇隱之案多矣此端一開愈無忌憚誰敢爲高文保而不爲朱永康伏願我皇上深維祖宗用法之意宸衷獨斷將朱永康立正典刑高文保破格賜卹而承審此案中外各員亦當治以應得之咎以爲大臣敷衍了事者戒庶國法伸人心快而綱紀風教爲之一振矣天下幸甚萬世幸甚上諭前據廣壽錢寶廉訊明山東委員高文保被殺一案定擬具奏當降旨依議將同謀縱兇潛逃之署嶧縣知縣朱永康發往黑龍江充當苦差其因朱寶森未獲仍請監候待覈各節謹照所擬辦理茲據給事中王昕所奏朱永康係造意之犯不科以謀殺之罪元惡縱請將該犯立正典刑並將高文保破格賜卹等語著大學士會同刑部妥議具奏○諭御史文鏞奏直隸州縣交代延玩請飭勒限齊備一摺據稱直隸近日州縣交代積案結報甚多新案堆積相沿日久紛紛効尤幾至莫可究詰請飭嚴催等語州縣交代之案庫款攸關豈容任意積壓著該督將所屬州縣未結交代各案督飭藩

司無論新舊均仿照山東章程勅限嚴催如現任各州縣延不接收並著查明擇尤參處以儆疲玩另片
奏廣東州縣交代從不結算任意虧挪請飭將揭案覓予時日酌令賠償新案嚴定章程逐一盤查等語
著諭督撫嚴飭藩司將各州縣新舊交代認真清釐毋任朦混○諭前因御史英震家人林大有干預保
獎情事諭令該御史交出送部訊辦嗣據刑部奏該御史呈報林大病故恐有別情當降旨將英震解任
聽候傳質茲據宗人府刑部會同訊明具奏此案御史英震咨獎弁兵雖非林六所求惟該御史抽查酒
糧於委員巡役搜查之外並不照章咨調巡糧兵丁輒據舊吏稟求任令王耀德等投効內朱玉祥等四
名並未當差入伍而該御史單內填寫守兵字樣均賞六品頂戴實屬冒濫英震著交部議處○諭御史
文鏞奏步軍統領衙門弊竇滋多並各營捕務廢弛請飭整頓各等語據稱該衙門司員每日戌刻便服
進署辦事草率玩延與書吏串通隱弊遞有控案先由書吏訊問詐索多端各案敘供意為軒輊該衙門
刑訊之案並有皂役擅行擊責等情種種弊端殊堪痛恨著步軍統領衙門查明分別參辦並破除情面
認真整頓嗣後如有前項情弊惟該管官是問各營捕務豈容稍有廢弛若如該御史所奏各堆撥值
班官兵率皆空額或僱老幼頂替或任婦女雜居以致匪徒肆行無忌搶案迭出殊屬不成事體著步軍
統領衙門嚴飭城內外各營認真巡察各堆撥務令按額值班互相聯絡並派員隨時稽察倘有失事卽

將該管官及稽察之員一併從嚴參辦○四川按察使方濬頤革職以紮培敬為四川按察使○丁酉丁寶楨奏查川省鹽務積弊甚深業經臣於開辦酌量官運各摺內歷次陳明毫無一字虛捏其開辦官運局一切辦理章程均係力除夙弊為疏引裕課利商便民至計亦經於開辦前詳晰奏陳咨部核覆上年十二月官運一年期滿例應奏銷復經臣將一年徵收稅羨被盜及雜款各項續晰奏報並造冊咨部核銷各在案竊臣開辦酌量官運實為川省力救時弊繼為酌省辦理招徠起見當甫經議辦之初誠以國家至計事體安未敢徇一己之見徇一人之私冒昧從事致誤大局是以先行傳知各商人到省諮詢利病然後與道員唐炯及熟習川省鹽務各員將應辦事宜逐日集議籌畫確查弊端之所由曲體商情之所宜計自光緒三年四月起至八月底歷時五月之久諸凡審定知無滯礙至九月初乃敢奏定設局開辦創辦之始其難其慎如此至開辦後臣復隨時隨處體察凡有詳晰皆思之累日手自批答甚至徹夜不寐必期事歸妥協力圖百年經久之規效據恩承等奏隨民呈控多款請飭妥為區畫仰蒙聖諭令將官運及官督商銷情形查明據實奏覆臣謹將二者得失情形切實兩相比較敬為我皇太后皇上詳陳之查川省鹽務向章辦法商人領引配運則歸鹽道稅羨經徵則歸州縣而總督則攷其成此即官督商運之微意也夫官督商銷宜可疏引而裕課矣乃至今攷之積年停引至數

十萬欠課至一百數十萬兩而已出未行之引及播廢填補之課尙不知凡幾雖經前督臣略乘章吳棠
兩次奏明展限督銷而積引益多欠課益甚宥有督銷之名毫無行銷之實馴至私梟四塞商困岸疲
因易而爲改代改配官吏藉此婪索商人遂違禁加斤計每引二百斤私加至三百數十斤及四百數十
斤不等官以得其使費明知之而故縱之以致一引行兩引之鹽舉國視爲固然毫不知懼以致引張因
之日滯課稅因之日絀則官督商銷之有病於國固昭然可觀矣又川省鹽務需索甚多商人領引配
運則有費運鹽過關驗簽則有費鹽斤到岸銷售則又有費而費之至重而無定者則尤在改代改配引
張套搭此外如廠應買鹽之欺詐江河行駛之覆漏船戶之沿途偷賣私梟之糾眾搶奪不與焉夫商人
持本求利先則自顧成本次則希冀獲利至使費過重則商力不支於是將先之所花費者轉而取償於
加斤而加斤又屬違例關卡倍肆留難於是加斤又不足以獲利乃因而取盈於民食此種弊端作之者
商人而所以使之作者在官吏此官督商銷之有病於商與民昭然可觀矣况所謂官督商銷者必須各
岸皆有正商各商皆歸本岸乃可按名而督今川省口岸半多疲滯不惟黔滇荒廢之處無本商可指即
本省計岸各商皆時時更易現在商多歇業即廢飭地方官招募承認竟有十餘年無一應者是既無商
可稽官雖欲督之究從何而督之此又官督商銷之徒託空言也自上年開辦官運復本年奏銷核計

邊計各額引已全數銷清復帶銷積滯至一萬餘引所收稅羨截盤及各雜款至一百餘萬兩是皆以國家無用之廢紙易而爲有用之正供而邊計各商無不自以爲得利民固亦無不稱爲貪賤者推原所自蓋由官運之事事核實所有商人從前一切無名使費悉予刪裁而口岸又爲肅清銷路不相攙雜其自質鹽以至銷鹽凡以前廢窳侵欺之弊行運汎濫之險船戶偷漏之苦私梟劫刦之害全行掃除商人無絲毫受累而每引一張該商坐獲二十餘兩之利其鹽價漲落則照市值公議核定由局懸牌曉諭萬衆共知民間食鹽悉照定價承買而商人各有自然之利亦不肯賤爲操價是以自官運開辦以後民皆貪賤而私梟因商鹽價可敵私別無可圖無能攬售相率斂跡是以官引日銷稅釐日旺實由於此則官運商銷之有利於國與商民又昭然可觀矣又況官運之責任甚大如道府之公費十數萬皆取給於鹽務平餘不另籌款而自裕是不病商而吏治賴以整飭京協滇黔各捐之抵撥皆取給於帶銷稅羨無待借捐而自足是不病民而餉項可以供支而安定營防邊勇糧每年節省正雜餉項又約十餘萬凡此急需之款試問之官督商銷能平否乎臣恐其必不能也且部議後已數年矣夫部臣之定議復准者原因兩江督臣沈葆楨奏明令准商籌銀數十萬以助川餉而復准之後又令於平善墾設勇以杜川私合計二書所費已不下一百數十萬兩臣深念復准本爲至計而竊恐准商籌助川餉其事甚難至平善

辦設勇杜私其愚且不可測是以於上年覆奏復准摺內曾經附片 奏明容俟臣開辦黔邊三四年後

銷路大暢俾楚商有生計可圖然後漸次導之入黔庶兩淮無助餉之苦鄂省無設勇之費斯為善計現

在黔岸辦理市經應辦滇岸亦已舉行事機已有可為臣前後 奏明於清業入黔河道開鑿險灘俾利

商運以備黔岸暢銷卸徐楚商歸彼冀復准岸於無形現在又准部咨催辦此試問之官督商銷能乎

否乎臣又決其必不能也臣竊維鹽務一事官督商銷則必不能行官運官銷則必不可行至官運商銷

則是權操之上利溥之下尙為公允蓋官督商銷則一切之規費既不能少亦不能查其利全歸於官吏

奸商而 國計民生同病此川鹽已往之前車可鑒也官運官銷則利權歸之於官而轉以阻小民謀生

之路此弊必極於措克而 國與商民均不受其利此臣前曾計及之而不敢妄行者也至官運商銷則

官商之情通官欲作一弊而商不願從商欲作一弊而官即示禁彼此可以箝制弊竇無自而生惟官運

則引由局配鹽由局運而商則銷鹽無一切領引過關岸規各浮費大不便於貧污者之所為是以怨結

生忿故大肆其浮議以思搖動耳然臣受 國厚恩身膺驅奇興利除弊事期有成 朝廷之所以責臣

者在此即臣之所以力求盡職以圖報稱亦在此決不敢以浮言而味大計至該鹽戶所控各節臣已向

恩承等咨取閱看情詞實為矯強且經訪聞係富廠一二奸商恃富蒙衝得慣自然深恨官運之利於商

民不便已私故捏詞以爲藉端阻撓之計若使官運果有不便則官運交涉之處尙有權射兩場何以並無一名呈遞卽官廠隨戶不下千餘家亦並不聞有人出名至於商人則酌邊及近邊十三廳州縣計岸不下一二百家亦未聞有一人呈訴而本年開辦濱邊告示一出認岸之商數十日已有二千餘家繳本領鹽非常踴躍如若官運不便則該商等必有鑑於酌邊之害寧相裹足不肯自蹈湯火矣今各處商均無異詞獨此數名呈控其情亦大可見現委員前赴該廠提集該隨戶等來省虛察查訊明確核辦容俟訊有實情再行據實奏明辦理上諭前因恩承重華奏川省官運局經隨民呈控多款請飭妥爲區畫當諭令丁寶楨確查具奏茲據該督奏稱自上年開辦官運局後本年奏銷核計邊計各額引已全數銷清復帶銷積引一萬餘張所收稅羨截盤及各雜款至一百餘萬兩商人從前一切無名使費悉予剔除民皆食賤私場潛蹤已屬商民皆使現經訪聞呈控各節係官廠一二奸隨捏詞舞聽意在阻撓其權射兩廠及官廠隨戶不下千餘家商人則酌邊及近邊十三廳州縣計岸不下一二百家均無異詞等語川省從前鹽務積弊甚深亟應力圖整頓惟裕課仍須便民方可行之永遠既據丁寶楨查明官運商銷實爲有利無害成效昭然卽著該督悉心經理慎始圖終勿以浮言而滋疑懼○戊戌允左宗棠請以故教授夏忻主事王柏心中書吳士邁編修吳觀禮有裨軍務志節可嘉交國史館立傳○庚子追予

江蘇丹陽宜興金壇等處紳士毛觀文等立祠建坊○辛丑以駐守 隆福寺神機營員弁雙印等勳慎
給予獎敘○癸卯諭前據翰林院侍講張佩綸御史李蕃先後具奏商人李鍾銘稱係尙書賀壽慈親戚
招搖撞騙及侵佔官地等情並據翰林院侍講學士黃體芳奏賀壽慈與李鍾銘時常往來各節降旨令
都察院堂官會同刑部將李鍾銘訊究茲據該衙門訊明具奏此案李鍾銘卽李炳勳由商人捐納監生
布政司經歷職銜考充臚錄既得議敘仍在市井營生輒攀援顯宦交結司坊官員置買寺觀房屋任意
營造侵佔官街匿稅房契又於差滿後擅入東華門內進國史館尋覓供事謀求差使希圖再得議敘竄
竊不安本分李鍾銘卽李炳勳業已革去職銜著照所擬杖六十徒一年俟年滿後解回山西原籍交地
方官嚴加管束毋許出外滋事李鍾銘與賀壽慈認爲姻親交易來往訊無干預公事情弊賀壽慈前已
有旨降三級調用著免其再行置議○上諭 太廟行禮○是月賀授李鳳苞爲出使德國欽差大臣○
法蘭西國使臣白羅呢回國奉費巴特納署理○義大利國新簡駐華使臣盧嘎抵任義使之不兼駐日
本自此始○日本國新簡駐華使臣兵戶璦抵任

臣朱壽朋敬編

臣章圭球恭校

夏四月甲辰朔陸亨 太廟命載恭代行禮○上詣 奉先殿行禮○乙巳大祀 天於 闕丘命載

勛恭代行禮○予已故陝西布政使薛澍學祭葬○丙午 上詣 大高殿祈雨○丁未恩承童華奏光

緒五年三月十二日兵部遞到軍機大臣字寄光緒五年二月二十八日奉 上諭恩承童華奏遵查川

鹽改歸官運設局募勇開銷廢費請飭該督確查收支各數據實覆奏等情等因欽此臣等詳閱原奏各

摺片其所謂大著成效者係借撥五十八萬成本於光緒四年一年中通計實已增收稅羨截蘆及各款

項雜支約銀九十五萬餘兩並無分毫多取商民是以商民樂從民食仍賤賒邊及近邊各計岸食鹽從

前一百數十文者今落至七八十文貴至七八十文者落至四五十文又每年撥銀十八萬兩解交戶部

並隨解六千兩作為戶部辦公之用再撥銀六萬五千兩分解黔滇兩岸俾抵捐欸現飭造船板船十號

選募水勇以備滇岸緝私之用及道府公費亦於平餘一項集湊而成此該督臣原奏之大槪情形也臣

等按照原奏情形檢查全卷並核之本年正月間暨此次唐炯所覆各節再札查司道各員四面致證以

期將實在情形確切查明以憑核奏惟查原奏借撥成本總數核與該局原冊不符又原奏徵收數目係率列通省所收課釐而言與道員唐炯此次所覆情形亦異其原冊內攤收雜款列有局費一欸亦未入奏冊內護本一項所收數目與所奏數目亦復不符唐炯正月間所覆單內列有開支水腳銀六萬兩此次所覆又復刪除種種情形前後率混而攤收雜欸一項尤爲困商病民臣等謹就顯然可見者做爲我

皇太后 皇上據實陳之查官運局撥借成本一項據原奏內開原借山東及本省鹽本銀五十八萬兩茲調查官運局領收原冊暨札司道復稱官運局總共承領過幣本銀七十三萬六千六百五十四兩有奇除還過十三萬七千兩外該局尙欠司道兩庫幣本銀五十一萬九千六百五十四兩有奇東借本銀八萬兩是該局開辦官運實借撥七十三萬六千餘兩並非五十八萬除還過十三萬七千兩尙欠藩鹽兩庫及山東五十九萬九千餘兩此查明官運局借撥成本之實在情形也又查官運局徵收一項據原奏內開官運局共收稅羨截釐二十八萬零三千餘兩官引局共收稅羨截釐八萬四千餘兩又官運局及富榮德樂渝城各局共收釐銀一百三十餘萬兩等語現據道員唐炯所覆單開官運局自光緒三年十二月行銷起至四年十二月截數 奏銷止共徵稅羨截釐銀六十四萬九千九百一十七兩六錢四分七釐其富榮德兩廠官引局渝城釐局稅羨引釐均由酌邊鹽務局主政等語是道員唐炯

所經收之稅羨截盤只六十四萬餘兩其餘均不由該員局內主政何以原奏牽列通省收數歸功該員殊不可解等就原奏以通省所收稅盤而論統計徵收稅羨截盤一百五十餘萬兩查上年戶部議定先繳後銷奏明在案今官運局自光緒三年九月開辦行引起至光緒四年十二月止實係一年零三箇半月所行之引所收之款若比較光緒二年一年所收之一百零七萬三千零計多收五十餘萬兩若劃除三箇半月仍以一年計之尚不能多收此數再詳核多收之故查道光三十年四川督臣徐澤醜奏准花鹽每包定爲二百斤每引五十包重一萬斤咸豐初年議定抽盤八兩嗣於同治年間再議加盤彼時商鹽每引已私加至一萬七千斤經前督臣駱秉章督併臣崇實先後查知其弊遂其加斤定爲按斤加盤除正引一萬斤仍抽盤八兩外從新按其私加之數合計每引一萬七千斤又加盤十七兩合之正盤共二十五兩使商人省引稅之資而餉需多盤金之助夫前督臣豈盡貪墨徇私之吏哉亦明知加盤爲國家不得已之策遂有此權宜之計是以盤金不匱而商民仍復樂從今該督革除加斤之弊每包仍復二百斤每引仍復一萬斤規復舊章詎非正辦夫鹽斤既復二百斤之舊亦應改復八兩之盤若盤金復舊則庫儲轉絀是以該督定爲每引抽盤十八兩較之未改包以前每引抽盤二十五兩固屬明減核之初抽盤之時每引抽盤八兩則實賒加也其多收之故半由乎此病民之故亦坐乎此此查明官運

局徵收款項之實在情形也又查官運局攤收雜款一項據原奏單開所收虧蝕本引底徵驗吏糧平餘六項共三十八萬一千六百餘兩又據官運局原報該督及鹽道各冊內尚有局費四萬八千兩有奇並未入奏又護本一項冊內係三萬五千餘兩亦屬不符但就原奏所開六項而論從前舊章並無此項名目自設立官運局起始將此項格外增加以致商民交困卽如虧蝕一項業已奏明由川包解姑無論於黔省款項有無窒礙只就川黔商民而論邊商買鹽價內攤交虧蝕尙屬有辭可措計商本與黔省無涉自應分別辦理茲據司道查明該局包解虧蝕銀兩係於邊計各引中一并攤派致令黔省鹽價較前日增是不惟有困於商且有病於黔民矣如護本一項查未辦官運以前商人運鹽商人自行籌費作爲護本與官無涉也乃開辦官運以來亦於售鹽時攤派護本是取商資而護官本商民能無怨乎如引底一項未辦官運以前行商運鹽坐商享引底之利在官並不徵收亦與官無涉然究係積年叢弊既經部議裁革自應邊辦何以又託郵商之名攤收此款又不發給商人是在商之弊未盡除入官之款實爲巧取也如各關徵驗一項舊章亦無此名目今爲書差經費而設亦係格外增加如平餘一項查未辦官運以前商賈互相交易本無所謂平餘也今官運局於購鹽時別發市平售鹽時則收庫平一出入之間每百兩可廢四兩有零矣夫官民爭利已甚國體再不以情義相示而剛及商鹽則民何以堪如吏糧

一項原奏內稱該局自行籌備不動正款又稱該局並無分毫多取商民然則所謂自行籌備款將焉出乃攷核各卷冊及原奏摺片以上六款無非於鹽價內逐款攤加夫以有限之鹽本而酌盈攤其中護本引底攤其中安定營勇糧又攤其中再加之以市平出庫平入而謂商民樂從無是理也况商人本一而利十猶慮不足若層層攤派勢必轉相賈售仍取償於食鹽之戶查據司道覆稱從前酌盈攤價實至四分者今實至七八分不等沿邊計岸亦較前實至十餘文不等核之臣沿途所收各是夫大略無異民嗷實食可想而知倘得謂之民食仍賤乎此查明官運局攤加雜款之實在情形也又官運局開支一項查此項率混甚多頗難核算有爲官運緝私而設已由別項支發而該局並未計算者有業已奏明由局動用而尙未開支者有唐炯前次開呈水脚銀六萬兩一項而此次又復刪除者臣等既奉 旨確查自應通盤計算以昭核實據道員唐炯於正月間所遞節略內開薪水勇糧酌盈水脚簽驗等項業經開支過三十六萬二千餘兩此外勇糧一項係由光緒四年六月起至十二月止其自六月以前溯自唐炯設立官運局開招營勇之日起先由籌餉局支過十萬零六千餘兩似應一并計算通計自設立官運局起由籌餉官運兩局業經開支薪水勇糧等餉共四十六萬八千餘兩夫以三十餘萬之雜款焉能敷四十餘萬之開支勢將虧挪正款移東補西若謂不動正款自行籌備必至如攤派雜款巧取商民況此外復有奏

明由局動用之公費一項十四萬四千兩撥解戶部抵捐之十八萬六千兩撥解演黔二省抵捐之六萬五千兩以上三款又三十九萬餘兩尙未開支等通盤核計官運局每年應行開支八十六萬餘兩其所奏之製造鐵船運募水勇費用口糧等項尙不在內再統計官運局及各局一年零三箇半月所徵之稅羨截釐一百五十餘萬加派之雜款三十萬餘二共合計一年所得一百九十五萬餘兩若按年開去八十餘萬較之舊章所盈不過八九萬兩况派加之雜款三十餘萬兩跡近剝削困商病民已有明證夫朝廷方惠民之不暇安用此敏怨之款若謂開辦演岸所獲吏多設使停此攤派之款其何能復有盈餘且謂演岸所造鐵船所募水勇其費用口糧每年又多一番糜費此查明官運局除去開支是否盈絀之實在情形也以上各節數目與原奏互有異同其一切情形與原奏亦多歧異而等思川省設立官運局以來動云興利除弊天興利除弊誠是也然必有利無弊或利大弊小權其重輕因勢利導而後有利於國不病於民如有利亦有弊兼之弊大而利小尙不得以利國者病民况無甚利於國而又甚病於民乎如今官運局所徵正款已賸萬加釐所收雜款更巧爲攤派下與小民爭利競及毫釐專爲官運開銷實鉅款利弊相極得失可證而尙欲戶部撥解抵捐撥解演黔抵捐又謂府道公費亦由平餘項下動支種種用款請皆從五十餘萬中成本周轉而來言之則矜張可喜案之必轉轉挪移理甚明也

復查上年戶部議定每月局收鹽價由總局彙解道庫洵爲互相關鍵慎重庫儲起見乃現據司道覆稱該局自光緒三年九月開辦迄今並無絲毫解交司道兩庫卽提借之款亦未分別歸還又稱司道兩庫維正之供應撥京外餉需之用今概置之不顧以致籌撥萬分拮据反謂司道兩庫有此格外挹注已覺舒展誠不解所謂挹注者在舒展者又何在等語是官運局之設立本爲裕國便民起見今種種剝削重困商民甚至逐款攤加尙不敷該局之糜費勢必巧挪正款以補漏卮若謂辦理得宜可集鉅款此語殊難憑信且現在司道兩庫提借之款既已久假不歸而司道兩庫應收之款又不照章彙解一出入懸欠百萬兩有奇以致兩庫正款反形短絀似於國計民生兩無裨益又奏查據司道復稱黔省兵燹之後人民多未復業同治年間每年行銷不過五六千引道光緒元年已銷至六千六百餘引二年人民漸復食指漸繁則銷至七千七百餘引每年邊省自能逐漸暢行等語是邊引之是否銷行全視邊省人民之多寡食指繁則銷引自暢不在乎法之變與不變也現在黔省人民日衆滇省久報蕭清滇黔邊岸本係川省引地亦無所謂開辦也要在守成法體商情節冗費因勢而利導之無欲速無見小利逐漸整飭則滇黔各引自能暢行漸歸舊制滇黔既復則楚岸亦可退還戶部釐稅內稱若川鹽既有黔邊可行楚岸仍前不能退還於准鹽毫無利益則此時借款動撥數十萬金徒爲邊岸一隅之計將來歲收黔

鹽課稅幾何萬一本重利微未免得不償失此誠度支持重之論與其徒增冗費又病商民何如恪守舊章漸圖規復一俟引地劃清淮隄日暢則朝廷享自然之利庫儲得維正之供較之實效目前似爲有益又奏原奏內稱官運局既獲盈餘自應兼顧內庫每年提撥官運鹽務項下十八萬兩解交部庫以抵京捐其意在官運辦理得宜始得獲此餘款以作抵捐之助不思方今停捐庫款益絀凡屬疆臣咸應設法籌畫不在官運之辦與不辦也况官運局種種費用全恃運款攤加若將此弊革除局中一切開銷無項挪移必至動支正款與其局中多一番糜費何如以之解部抵捐况奉 諭旨川省停造機器以節糜費查機器局甫及一年已費六萬餘兩合計兩局之費用以抵捐款尙復有盈無絀又何必託空言官運局所獲盈餘以解部庫耶 上諭前據恩承等奏川鹽改歸官運開銷糜費等情當經諭令確查具奏茲據奏稱查明官運局借撥成本數目不符徵收款項亦多牽混攤收雜款名目煩多以致商民交困開支薪水勇糧等爲數甚鉅提借庫款既未歸還應收鹽價又不照章彙解於國計民生兩無裨益等語丁寶楨前奏川鹽官運商鈔有利無弊成效昭然茲覽恩承等所奏利少弊多與該督原奏情形種種不符著戶部將摺內所陳各節詳細核妥議具奏另片奏黔滇兩岸邊引宜逐漸整頓自能暢行及裁減冗費抵解部庫捐款各等語著戶部一并議奏○以助賑出力予候選道李培松等優敘有差○諭恩承等

奏遊旨訊明四川東鄉一案分別定播一摺據稱四川東鄉一案現經訊明已革提督李有恆雖非蓄意
匪民爲逆惟不確食袁廷蛟所在輒督隊攻搜尖峰等寨致斃鄉民數百命已革提督劉道宗於該營搗
抱幼孩擄掠牲畜及攜眷隨營均查明屬實已革總兵雷玉春所部勇丁亦有擄掠牲畜之事已革知縣
孫定揚加派捐錢復張皇請兵釀成重案提督王照南與李有恆會攻千金碛等處殺斃數十命總兵劉
楚藩攻搜鳳頭寨致斃唐姓等男婦多名未能將誤殺無辜之處即時查出遊擊方榮陔投捕袁廷蛟將
備齊集提訊辜責致普集服毒斃命知府張裕鳳舉人冉正杓具稟懇恩發兵復稟請加收捐錢並查明
案內監生吳芳繼等所犯各情按律定擬等語著刑部議奏所請文格丁寶楨李宗羲應否議處之處並
著該部於定案時聲明請旨○諭前據李宗羲奏四川東鄉縣徵收地丁等項局士從中漁利當交恩承
等查明具奏茲據奏稱請將不安本分之局紳擇尤懲辦並該縣徵收章程飭妥爲辦理等語各州縣
徵收錢糧豈容局士把持從中舞弊乃同知冉正江等充當局士輒敢妄預官事屢被鄉民控告殊屬不
安本分分發陝西試用同知冉正江著卽行革職賈生冉止本單俊士生員廖吉萬著一併斥革以示懲
儆至東鄉地丁津貼捐輸茶課等項已經丁寶楨釐定章程卽著該督嚴飭地方官妥爲辦理不准
設局委紳稍有浮收並不准抽收豬鬃斗鬃等項以杜弊端○戊申子故通政司劉典於江西福建安徽

等省建祠○庚戌諭崇厚奏邊境滋事匪徒與俄國商辦情形一摺據稱逃匿俄界之回匪分道寇邊經俄國外部尚書格爾斯面稱此項人衆並非俄國之人路票內寫明地方係在界內不料其越界滋事現已知照各邊弁認真查禁嗣後越界滋事之人任聽中國辦理等語即著左宗棠金順隨時相機妥爲籌辦至照會中有中國將回人赦免准其回籍一節自係指未經滋事良醫回民而言並著左宗棠酌度情形出示曉諭其首要各逆及怙惡不悛者固爲法所難寬其洗心遷習情有可原者自應分別辦理以示勸懲○辛亥何璟等奏福建省臺灣府北路地方遼闊前經奏請添設府縣准到部議以臺北縣地方添設知府一缺名爲臺北府自彰化以北直達後山胥歸控制仍隸於臺灣兵備道其附府添設知縣一缺南甞中樞以上至頭重溪爲界北暨遠望坑爲界淡水縣自頭重溪以南至彰化縣界之大甲溪止其間之竹塹地方原設淡水同知應即裁汰改設新竹縣知縣一缺自遠望迤北而東仍囑馬關之舊治疆域添設宜蘭縣知縣並改囑馬關道判爲臺北府分防道判移駐基隆地方奉旨允准轉行遊辦嗣於光緒三年又經奏准將淡水同知一缺裁汰囑馬關道判一缺改爲臺北府道判移駐基隆其囑馬關道判改爲宜蘭縣即以原設之道判衙署作爲縣治縣中公事均由臺北府勘轉惟設之淡水新竹兩縣專屬草創頭緒紛煩未能同時並舉請將淡水新竹二縣暫由臺北府兼攝俟蘇州所屬之地辦

有規模再行分別添設以符原職在案復查臺北淡水廳轄自彰化縣北界之大甲溪直抵基隆之招嶺下之達望坑止計地三百四十五里有奇其中滬尾基隆均屬通商海口華洋雜處事務繁多命盜等案層見迭出前因淡水同知不能兼顧故請區分改設一府三縣旋議將新竹淡水兩縣山府兼攝係出一時極宜察看情形必須分設淡水新竹兩縣方足以資治理刻下艋舺地方耆耋民捐民辦業經告成學額已分一府三縣奏請添設明春即應考試臺北府衙署年內計可完工諸務均已次第興辦設縣尤不可緩其距艋舺十二里新莊地方原有縣丞一員現艋舺既設府縣新莊縣丞應即裁撤改為臺北府經歷兼管司獄事務淡水縣應添設典史一員新竹縣即將竹塹巡檢改為新竹縣典史宜蘭縣即將噶瑪蘭羅東巡檢改為宜蘭縣典史又臺灣北路理番同知原駐鹿港旋因內山開闢日廣番民交涉事件日多經奏請將北路同知改為中路移扎水沙連欽奉 諭旨允准現在該同知業已移扎鹿港亦為巨鎮商賈輻輳且須稽查海口距彰化縣城二十里該縣不克兼顧查有彰化縣南報社縣丞堪以移扎鹿港其南報地方逼近內山亦須佐雜彈壓查臺灣縣巡檢駐扎羅漢門近來該處安靜以羅漢門巡檢移設即作為彰化縣南報巡檢衙署仍舊毋須另建似此一為轉移地方實有裨益下部議奏○諭前據松滋奏請以阿旺甲木巴勒楚稱甲錯為已革諸爾罕阿旺扎木巴勒楚勒齊木轉世之呼喇勒罕迎接回藏

經該衙門議奏該已革諸們罕前於道光年間犯案情節甚重係永遠不准再出呼爾勒罕之人所請應

不准行茲據金順錫綸奏西藏喇嘛嘉木巴曲圖木等並吐爾冠特各部漢王等呈稱該部落願捐馬一

千匹請准阿旺甲木巴勒楚稱甲錯爲僧等語阿旺甲木巴勒楚稱甲錯著准其爲僧赴藏學習經典仍

不准妄請開復名號職銜稱爲轉世呼爾勒罕該部落所捐馬匹著毋庸收以示體恤○壬子予江蘇

常熟縣孝子胡元豐旌表○癸丑世鐸等奏遵旨於本月初一日齊赴內閣將吳可讀奏摺公同閱看

據奏內有仰乞我皇太后再降諭旨將來大統仍歸承繼大行皇帝嗣子等語等恭查雍正七年

上諭有曰建儲屬繁宗社民生豈可易言我朝聖祖承祚未有先正青宮而後踐天位乃爾

萬世無疆之基業是我朝之國本有至深厚者愚人固不能知也欽此跪誦之下仰見我世宗憲皇帝

詒謀之善超亙古而溯來茲聖諭森嚴所宜永遠懷遵伏思繼統與建儲文義似殊而事體則一建儲

大典非臣子所敢參議則大統所歸豈臣下所得擅請我皇上續承大位天啓誕膺以文宗之統爲

重自必以穆宗之統爲心將來神器所歸必能斟酌盡善守列聖之成憲奉天下以無私此固海內

所共欽而非此時所得預擬者也況我皇太后鞠育恩深宗社連慮前者穆宗龍馭上賓時業經

明降諭旨俟皇帝生有皇子卽承繼大行皇帝爲嗣懿訓煌煌周詳慎重是穆宗教皇帝將來

繼統之義已早賅於 皇太后前降懿旨之中何待臣下 奏請吳可讀以大統所歸請 旨預定似於我朝 家法未能深知而於 皇太后前此所降之 旨亦尙未能細心仰體臣等公同酌議應請毋庸置議又徐桐翁同龢潘祖蔭奏臣等於四月初一日赴內閣公同集議竊思吳可讀所陳預定大統此室礙不可行者也我朝 家法不建儲以此萬世當敬守者也臣等恭繹同治十三年十二月 懿旨於皇子承嗣一節所以爲統緒計者至深且遠 聖諭煌煌原無待再三推闡今吳可讀既有此奏而 懿旨中復有卽是此意之諭 特命廷臣集議具 奏若不將 聖意明白宣示恐天下臣庶轉未能深喻 慈衷臣等以爲誠宜申明 列聖不建儲之 教訓將來 皇嗣繁昌默定大計以 祖 宗之法爲法卽以 祖 宗之心爲心總之紹膺大寶之元良卽爲承繼 穆宗毅皇帝之聖子揆諸前 諭則合準諸 家法則符使薄海內外咸曉然於 聖意之所在則 詒謀久遠億萬世無疆之休實基於此又竊廷奏奴才竊以爲大統之歸固已早定本無異議無須再降 懿旨請命 皇上惟當引伸 前有以喻天下臣民恭繹同治十三年十二月初五日 懿旨之意蓋言 穆宗毅皇帝未有儲貳無可承繼將來卽以 皇上所生之 皇子承繼 穆宗毅皇帝爲嗣非再生 皇子卽時承繼也言嗣而統貳焉矣引伸之蓋言將來卽以 皇上傳統之 皇子承繼 穆宗毅皇帝爲嗣也因 皇上甫承大統故渾

測其詞含意未伸留待 皇上親政日自下明詔此 皇太后不忍歧視之惡心欲以孝悌仁讓之休歸

之 皇上也而惜乎天下臣民不能盡喻也廣安不能喻故生爭於前吳可讀不能喻故死爭於後既可

讀遺摺意亦如此而詞意未克詳明可讀不自云臨命之身神智昏亂乎不然我 朝夙不建儲可讀豈

未之知耶奴才竊痛可讀殉死之忠而又惜其遺摺之言不盡意也可讀未喻 誌旨言外之意而其遺

摺未達之意 皇太后早鑒及之故曰前降旨時卽是此意也且 皇太后之意亦卽 皇上之意也就

令無當日 誌旨 皇上親政自必首降將來傳統之 皇子承繼 穆宗毅皇帝爲嗣之諭况明有

誌旨在前乎 皇上天生 聖人入繼大統豈忍負 皇太后 撫育深恩 穆宗付託之重而自私神

器哉遺摺以忠佞不齊異同不一爲慮此固可讀之忠心而實過慮者也宋太宗背杜太后明景帝廢太

子見深雖因佞臣妄進邪說究由二君有私天下之心故詔佞之言得乘之而入伏讀 高宗純皇帝御

批逆鑑軒覽謂太宗傳子私念不待趙普贊成而早定於胸中見深之立卽由太后至於廢之際則不復

請命東朝是並蔑視其母 聖智深遠燭見隱微推而論之明世宗之於軹嶽忘所後而重本身任私恩

而棄大義亦不得專咎張桂諸臣也我 朝 聖 聖相承迺遵前代縱有趙普黃珪之輩 皇上仰遵

祖 宗彝訓遂鑒宋明不惟其言不能入且必重加之罪况 兩宮誌旨懸之於上孤臣遺疏存之於

下傳之九州帳之 國史 皇上若竟信佞臣諂媚之語違背 慈訓竊謂忠言何以對天下後世肯綮
自私之事鄉然自好者不爲而謂 聖人爲之乎此固可讀之忠心而實過慮也此次廷臣議上 皇太
后降旨時但請將同治十三年十二月初五日 懿旨之意詳爲引伸俾天下臣民永無疑議我 皇上
孝弟仁讓必能以 皇太后之心爲心無須諄諄 申命並請將前後 懿旨與慶安吳可讀及此次與
議諸臣 奏議存之 毓慶宮俟 皇上親政日由 毓慶宮諸臣會同軍機大臣恭呈 御覽自必明
降 硃諭宣示中外將來俾統之 皇子承繼 穆宗毅皇帝爲嗣俾天下後世咸知我 朝 家法遠
越宋明 皇太后至慈 皇上至孝至悌至仁至讓且以見 穆宗至聖至明託付得人也豈不懿歟如
是則綱紀正名分定天理順人情安倫常骨肉無嫌無疑又何至違我 朝 家法臨前代覆轍遺憾於
母子兄弟君臣之間哉本月初一日恭赴內閣集議因意見微有不合事關重大未敢遽就謹另摺具陳
以備 采擇又奏再主大臣所議亦非不得體情未盡妥前降 懿旨因詞意渾涵致有吳可讀此請此
事不議則已既下廷議豈可仍復渾涵其詞廷議請 穆宗毅皇帝繼統之議已早駭於 皇太后前降
懿旨之中將來神器所歸 皇上自能斟酌盡善固也然 懿旨意深詞簡意存言外苟泥於其詞難
免害意不及此時引伸明晰異日 皇上生有 皇子將卽承繼 穆宗爲嗣乎抑不卽承繼乎不卽承

繼則似違 懿旨若即承繼又嫌迹近建儲故令僅冒繼嗣不標繼統之名而天下臣民亦噤然以儲貳視之是不建之建也而此 皇子賢也固 宗社之福如其不賢將來仍傳繼統乎抑會而別傳乎別傳之 皇子仍繼 穆宗爲嗣乎抑不繼乎就令仍繼 穆宗是亦不廢立之廢立也豈太平盛事乎至此時即欲 皇上斟酌盡善不亦難乎廷議之意或以 皇上親政 皇子應尙未生不難預酌一盡善之規然國君十五而生子設 皇子誕育如在撤籬之前又何以處之乎與其留此兩難之局以待 皇上何如及今斟酌盡善乎且 皇太后懿旨非 皇上所當擅改此時不引伸明晰將來 皇上雖斟酌盡善何敢自爲變通乎竊謂諸臣既奉 命會議當將前降 懿旨之意引伸明晰預擬一盡善之策留以備異日 皇上御覽卽以釋今日天下臣民之疑若仍渾濁其詞何取此盈廷一議乎此未妥者一也廷議又謂繼統與建儲文義似殊而事體則一似也然 列聖垂訓原言嗣統之常今則事屬創局可讀意在存 穆宗之統與無故擅請建儲者有間文義之殊不待言矣今廷議不分別詞意漫謂於我 朝家法未能深知則日前 懿旨卽是此意之謂何天下聞之不更滋疑乎四海九州莫不觀聽立言似未盡得體此未妥者又一也奴才非有心立異因廷議實未能詳明允洽故不顧煩瀆附片觀陳又張之洞奏竊謂爲 穆宗毅皇帝立嗣繼嗣卽是繼統此出於 兩宮皇太后之意合乎天下臣民之心而卽爲

我皇上所深願也乃萬古不磨之義將來必踐之旨臣敬吳可瀆之至忠至烈然謂其於不必慮者而過慮於所當慮者而未及深慮也恭查爲 穆宗繼嗣之語於同治十三年十二月初五日光緒元年正月十七日及本年閏三月十七日三奉 懿旨炳如日星從來人君子孫凡言繼嗣者卽指續承大統而言天子諸侯並同一理蓋人君以國爲體諸侯不得祖天子公廟不設於私家苟不承統何以嗣爲下至三代之世卿大夫漢魏以至本朝之世爵世職但云以某爲嗣卽是紹封襲蔭故繼嗣繼統毫無分別徧稽羣經諸史從無異說其分繼統繼嗣爲兩事者乃明代張璠桂夢之怪妄謬說 高宗純皇帝欽定儀禮義疏早已辭而闕之矣今 懿旨申命至於再三金匱寶錄何待他求設有迷妄小人舞文翻案則廷臣中凡讀普識字者皆得執簡而爭所謂不必慮者一也前代人君授受之際事變誠多然就該主事所舉二事論之宋太宗背太祖而害其姪沂王德昭非太宗子也明景帝背英宗而廢其姪太子見深非景帝子也若 皇上以皇子嗣 穆宗名曰 先朝之繼體實則今日之麟振有何嫌疑有何吝惜以 皇上仁孝之豐質受 兩宮皇太后高厚之殊恩起自宗支付之神器必不忍負 皇太后必不忍負 穆宗且夫遵 慈命孝也篤天顯友也使皇子廣孝思於不匱慈也 躬膺寶祚而使大統名分歸之於先帝讓也無損於實而四美具焉中主亦能勉爲之况 聖主乎所謂不必慮者二也該主事所慮趙普

黃珮之輩誠難保其必無然忠佞不齊數年前曾有請頒鐵券之廣安矣大小臣工豈遂絕無激發明宗
紊大統而昵私親者以興獻王已沒故得藉親恩恣爲越禮羣臣不能抗也假使興獻而在必尙能以禮
自處少加裁制今醇親王天性最厚忠直恪恭該主事既知其賢萬一果如所慮他日有人妄進異言醇
親王受 累朝之厚恩必能出一言以救正所謂不必慮者三也然而竟如該主事所請明降 懿旨將
來大統仍歸 穆宗之嗣子意則無以易矣詞則未盡善也緣前奉 懿旨謂生有皇子卽承繼 穆宗
爲嗣若參以該主事之說是一生而已定爲後之義卽一生而已定大寶之傳合併爲一將類建儲我
朝 家法以立儲爲大戒 高宗九降綸音萬分剴切今若建之有違 家法所謂未及慮者一也前代
儲貳讒搆奪嫡流弊已多今被以紹統之高名重以承繼之形迹較之尋常主器尤易生嫌所謂未及慮
者二也然此尙其弊之最甚者也天位授受簡在 帝心所以慎重付託爲 宗社計也帝堯多男非止
一索 聖意所屬知在何人此時早定豈不太驟所謂未及慮者三也今者奉 命集議伏讀此次 懿
旨卽是此意四字言簡意賅至堅至確天下萬世誰敢不遵無可移易者也猶是 聖意宜遵 家法亦
宜守今日之誓約有二說淺之爲 穆宗計者則但如諸臣之議並請一渾濁 懿旨略謂屢次 懿旨
俱已賅括 皇上孝友性成必能處置盡善似乎無所妨矣然而生卽承繼卽是此意一語字字當遵託

諸文辭則可避建儲之名見諸實事則儼成一建儲之局他日誕皇子命承繼廷臣中爲公爲私不可知皆必將援 祖訓以爭之則承繼之事中止此日以恐類建儲而承統之名不能定異日又以恐類建儲而承繼之旨不能宣是令 皇上轉多難處矣然則深之爲 穆宗計而卽爲 宗社計惟有因承統者以爲承嗣一法 皇子衆多不必遽指定何人承繼將來繼承大統者卽承繼 穆宗爲嗣此則本乎聖意合乎 家法而 皇上處此亦不至於礙難伏請 兩宮聖裁卽以此意明降 懿旨 皇上親政之初循覽 慈訓感惻 天懷自必仰體 聖意再頒 諭旨祇告 郊 廟宣示萬方則固已昭於天壤鑿於金石矣如此約有五利守 彝訓一也待 宸斷二也無嫌疑三也無更變四也精 擇賢五也至於精 擇賢而利宏焉在 兩宮慈愛之念惟期於繼嗣繼統久遠遵行豈必急急焉指定一承繼之人而後慰卽 穆宗在天之靈當亦願後嗣聖德承綏 洪祚又豈必斤斤焉早標一嗣子之目而後安此固爲我 國家億萬年之至計卽使專爲 穆宗嗣子策之似亦無善於此者矣或謂禮制精深闢名義由此以承統爲承嗣之說安保日後無泥古聚訟者臣請得條舉其說而預辨之一曰禮爲人後者爲之子三代人君凡繼先君之統者卽爲先君之後雖無父子之名而用父子之禮 皇上承 穆宗之統矣何以又別立後不知父子之說漢唐來久已不行且 皇上承繼 文宗顯皇帝爲子已有明文

文宗有子則 穆宗無子矣豈有 御宇十三年功德溥四海之 先帝而不爲立後者其不足辨一也
一曰禮嫡子則不得後大宗不知此爲臣庶言之非爲天家言之也古來擇取親屬入承大統則本宗不
敢私其嫡子尊尊也若後君爲先君立嗣則嗣君亦不得私其嫡子蓋嗣君與先君當日固有君臣之分
者也亦尊尊也然入承大統者既承累朝之大宗則本支應自爲繼別之宗並不得以小宗論於禮於法
當別立嗣者也嗣君既爲大宗則雖以子爲先君後於禮於法不能別立嗣者也然則就今日事勢論之
將來 皇子雖爲 穆宗之嗣子仍無妨爲 皇上之嫡子尊尊亦親親也 皇朝律令對承繼之文則
曰本生父母他日稱謂區別 聖心自有權衡 兩宮以聖而行權 皇上以聖而制禮一舉而忠孝慈
友之人倫備焉尊尊親親之禮意賅焉義協而禮起何爲不可其不足辨二也一曰春秋傳云君子大居
正故兄弟姪輒轉授受每難帖然不知從父從子乃生贅隙若 皇子承繼 先朝但存名義豈判親
疏其不足辨三也凡此皆羣經之精言而實不切於今日之情事設有迂儒引之以撓夫 國是佞夫藉
之以文其莠言 大智聰明豈能惑哉今者往事已矣 惠陵永闕 帝 后同歸既無委裘遺腹之男
復無慰情勝無之女傷心千古夫復何言承繼承統之說不過於禮制典冊之中存此數字空文俾 穆
宗在天之靈爽雖遠而不遠幾忘而不忘庶可稍慰 兩宮闕閔之恩且伸 皇上友于之愛夫吳可讀

臨臨一貶謫小臣耳尚且昌言以發其端致命以期其許何況子道弟道兼盡之 聖王哉昔漢景帝欲
悅竇太后之意至有千秋萬歲後傳梁王之語梁王非有應嗣之分者也宋高宗以太宗之後乃閔太祖
子孫零落而以太祖七世孫爲嗣孝宗非有承統之約者也 皇上聖明遠在二君之上竊謂今日者惟
在責成 毓慶宮侍學諸臣盡心輔導培養 天性開陳至道 皇上孝悌之心油然而自生尊尊親親
之等秩然而不紊任賢去佞內修外攘則所以仰體 兩宮上慰 穆宗者固不僅在繼嗣承統一端而
已也卽此一端而論其沃心正本之方亦在彼而不在此伏維 皇太后與 皇上名分已定 恩誼日
篤 皇太后視 皇上所生 皇子無論承繼 穆宗與否同爲己子君臣一德共濟艱難此 宗社之
福而臣民之願也臣恭繹 懿旨中卽是此意妥議具奏二語文義是者是其將 大統宜歸嗣子之意
議者議夫繼嗣繼統並行不悖之方臣工應 命陳言豈敢以依違兩可之遊詞貽 廟堂他日之籌慮
又奏此次 懿旨中卽是此意一語乃此議之緊要關鍵 天地神祇實所共聞朝野臣民咸所共喻諸
臣心知其意而苦於恐涉建儲不敢發揮故不便述此四字之文而專駁吳可讀之摺以爲如此便可不
類建儲矣豈知 聖意已經宣播若不普爲會通乘此時賅一長策究其時勢轉恐終必類於建儲而後
已且 懿旨上言預定下言卽是語意相連今不爲之疏解分明以妥議具奏始以無庸置議終傳之四

方實駭聞聽雖其所謂無庸諍者係指原擢而言誠恐迂儒以文害辭誤疑 兩宮有游移之意更恐他日踐後附會正藉此議爲翻案之端一言之微語病甚大竊謂此事關係至重伏望 兩宮聖裁熟思權衡至當再降 懿旨臣愚不勝大願又黃體芳奏竊維此事重大本難置詞及伏讀 懿旨中卽是此意一語明白無疑只有恪遵史有何讓乃申論不一激烈者盛氣力爭異畏者嘯喙不吐揆其情狀一似穆宗遺有所生皇子於 皇上爲姪將來必不能繼承大統者且又似 穆宗嗣子若承大統則 皇上不得以爲子者在激烈者以爲言非悚切則說不行則無以報 先帝人將謂不爲 穆宗計也在異畏者以爲言之詳盡則似僭越則將來必干 聖怒人將謂不爲 皇上計也夫激烈忠也異畏謹也忠與謹皆人臣之盛節而惜其未深明乎今日之事勢也臣誠愚陋敢爲 皇太后 皇上持平以論之淺說以明之譬諸士民之家長子有孫次子亦有孫自其祖父母視之並無區別然承繼職必歸長房之孫卽長房無出以次房之孫承繼而承襲亦必歸長房之嗣孫不能歸次房之他孫何也嫡長與嫡次之別也而况 皇上與 穆宗不惟有兄弟之倫且有君臣之前乎此 兩宮之意所以許大統歸於 穆宗嗣子之說也又譬諸士民之家大宗無子次宗僅有一嫡子然小宗以嫡子承繼大宗不問有所吝者以仍得兼承本宗故也惟人君與臣民微有不同者民間以嫡子繼大宗則大宗爲主本宗爲兼

天潢以嫡子繼帝系則帝系爲主本宗可得而兼親不可得而兼若人君以嫡子繼長支則固以繼長支爲主而本宗亦不能不兼蓋人君無小宗卽稱謂加以區別亦於本宗恩義無傷此 兩宮意在嗣子承大統 慈愛 穆宗亦卽 慈愛 皇上之說也今日吳可讀爲是之 懿旨不敢不遵不許建儲之家法不敢不守而奉 命會議又不敢不議若非合兩統爲一統以不定爲預定就將來承統者以爲承嗣似亦無策以處之矣試思此時卽不專爲 穆宗計既正名爲 先帝承繼之嗣子豈有僅封一王貝勒者乎卽不專爲 皇上計古來天子之嗣子豈有以不主神器之諸皇子當之者乎卽僅爲 穆宗計承繼皇子之事 皇上可如民間出繼之子乎卽僅爲 皇上計承繼皇子之稱 穆宗可如前明稱爲 皇伯考乎事理至顯敢敬陳 兩宮聖明無難立斷其應如何明降 懿旨自有 聖裁夫奉 祖訓稟 懿旨體 聖意則非僭 先帝今上皆無不宜則非悖明其統而非其人則非擅論統系辨宗法正足見我 國家億萬年無疆之祿則非干犯忌諱此卽綜前計後侃侃而陳固無意氣之可逞亦無功罪之可言而諸臣之偏於激偏於畏 竊有所不解也 臣所以不能已於言者誠恐 皇上親政以後披覽 臣工章疏謂此等淺顯平常之事理何值廷諸臣竟無一人見及者以致如此紛紜則忝參末議之臣與有責焉又李端公奏 臣於本月初一日赴內閣會議諸臣之意以繼統似涉建儲不敢參議不得擅請不

能預擬以毋庸置議矣。奏諸臣蓋以爲於此固難於議讓者也。然臣謂讓者誠難未若兩宮今日籌此之難與夫皇上他日慮此之難也。初次 懿旨卽謂生有皇子卽承繼 穆宗爲嗣。此次 懿旨則謂吳可讓請預定大統之歸。前降旨時卽是此意。夫繼嗣非建儲然合兩次 懿旨而釋之則有類乎建儲矣。建儲非 祖訓也。此一難也。讓者力避建儲之跡於是立一說曰 懿旨既有卽是此意之矣。然則兩宮確有大統歸於嗣子之意矣。若卽以將來繼統者爲繼嗣自可兩全。但如此則承嗣之皇子不能指定又恐兩宮爲 穆宗立嗣之心未能早慰也。此一難也。讓者則又立一說曰 欲定承繼又非建儲惟有俟皇子衆多以後由皇上擇定一人秘襲 慈闈 宮禁外初仍不宜播以待不建儲之舊制。然而神器所歸最宜慎重。若定之亟則無以協擇賢之義。定之緩又無以愜兩宮之心。此三難也。且卽使承嗣承統合而爲一爲 先帝謀者豈善矣。我皇上大寶躬膺亦必無別擇宗子之理。若不籌計及此則兩宮懼念 穆宗之心與 慈愛 皇上之心尙未能交慰也。此四難也。此時兩宮若不再申一命羣臣若不更贊一詞專待親政之年自行裁度皇子卽生而卽宣承嗣之旨 廷臣必爭之曰此違建儲 祖訓也。皇子既生而不聞承繼之旨 廷臣又必爭之曰此違初次 懿旨也。此五難也。諸臣知其難故惟以斟酌盡善昭示無私望之於皇上。微臣慮其難則以爲籌及兩全折衷一是惟在

乎 兩宮伏願 皇太后詳思遠慮並責令王大臣再四思維如何而 聖意可必行如何而 祖訓可不背如何而 穆宗之大統垂於久遠如何而 皇上之孝友利於推行必在此時先求一會通無礙之策以待 聖裁臣知 聖慮深淵不惟有兩全之道並可貽百世之謀欽奉 慈安端裕康慶昭利莊敬皇太后 慈禧端佑康頤昭豫莊誠皇太后懿旨本日王大臣等遵議已故主事吳可讀請預定大統之歸一摺並尙書徐桐翁同龢潘祖蔭翰林院侍讀學士寶廷黃體芳國子監司業張之洞御史李端芬另議各摺覽奏大略相同前於同治十三年十二月初五日降旨俟嗣皇帝生有皇子卽承繼大行皇帝爲嗣原以將來繼緒有人可慰天下臣民之望第我 朝 聖 聖相承皆未明定儲位 彝訓昭垂允宜萬世遵守是以前降諭旨未將繼統一節宣示具有深意吳可讀所請預定大統之歸實與本朝 家法不合皇帝受穆宗敕皇帝付託之重將來誕生皇子自能慎選元良繼承統緒其繼大統者爲穆宗敕皇帝嗣子守 祖 宗之成憲示天下以無私皇帝亦必能善體此意也所有吳可讀原奏及王大臣等會議摺徐桐翁同龢潘祖蔭銜摺寶廷張之洞各一摺並閏三月十七日及本日諭旨均著另錄一分存毓慶宮至吳可讀以死建言孤忠可憫著交部照五品官例議卹○乙卯庫倫辦事大臣英奎卒予祭葬

○命文格爲庫倫辦事大臣○諭御史方學伊奏請飭清理現審案件各衙門現審案件例有定限若如

所奏差役賄玩凡過傳人證請案摺時甚至將原告私押不令到案致收禁候審之犯及被傳人證規斃
拖累各情尙復成何事體著步軍統領衙門順天府五城御史將現審各案迅速清理差役人等如有需
索私押情弊卽行從嚴懲辦○丙辰以勦辦甘肅番匪出力予總兵沈玉遂等升敘有差○丁巳 上請

大高殿祈雨○庚申予陝西布政使蔣凝學祭葬○辛酉以張汝卿爲工部右侍郎仍署吏部右侍郎

○壬戌允左宗棠請於喀什噶爾建忠義祠○癸亥以 隆福寺防營守護有年予延昌等獎敘○予故

福建提督江長庚建祠○甲子諭戶部奏恭辦 太廟龜案等項物料價銀撥案找給清款所請另發工

價銀兩無案可稽應由工部自行辦理以免牽混等語恭辦 太廟龜案等項另有工價銀兩前係山節

慎庫給發此次戶部查照成案未將此項銀兩核發本係照例辦理惟此項工程緊要工部節慎庫存款

無多難以撥發亦係實情所有應發工價銀一萬九百餘兩卽著戶部照數撥給工部應用此外各項工

價銀兩仍著照向章由工部節慎庫給發以免牽混而重庫儲○丙寅林堪元奏黔省陸步皆山磅礮積

鬱之氣應產各色砂礮乃從前各廠業已洞老山空若無富商另來開採亦以寶藏於地不能操必得之

權人多難疑卒少舉辦卽前在藩司任內曾經詳定章程出示招商辦理而應者寥寥又復蓬委熟悉礮

務員紳分投四勘間有產礮之地又無開採之資遂至事多中輟現在協餉不濟窘局日危不得不於無

可籌畫之中冀或稍收自然之利茲查有歸化通判羅斛州判交轄之馬鞍大寶庵頭沙溝等山砂氣頗旺而四面峯巒中環一水於民間田園廬墓毫無關礙擬即由官先行試辦以期有力紳商聞風興起藉廠工以收拾游民濬財源以稍紓 國用當務之急辦似宜先 謹與司道商動聞欵委員督辦派勇彈壓倘能仰荷 朝廷福澤山川效靈辦有成效除變價提充正餉外仍奏明照例徵課以裕庫儲抑或無成效亦即停工免滋糜費且不敢惜慘淡經營之力冀或探盈虛消息之機瘠土闢財事非獲已乞飭部存案施行下戶部知之○丁卯 上諭 大高殿祈雨○戊辰以江西學政吳仁傑遭風舟毀遺失案冊交部察議○己巳諭前據給中事王昕奏山東委員高文保被殺一案元惡輕縱請將朱永康立正典刑各節當交大學士會同刑部妥議具奏茲據奏稱朱永康身為縣令屢次強借商民銀兩已屬貪婪不法迨委員高文保捉犯伊姪朱寶森以誘殺捏報等情告知朱永康立時聽從並不阻止又以謀情與幕友密商許給委員李樹堅捐項一同捏稟嗣因緝兇緊急又給予朱寶森銀兩同趙野子等一并縱令逃逸該犯所供各情節而論事前則陰謀詭計逐一知情事後則兇手要證全行縱脫且被殺者即係查提控案之人是該犯先有圖脫已罪之意居心實不可問可否改為斬監候等語詳加披覽王昕所援李毓昌被害情形成案固有不同朱永康情節重大實屬罪浮於法著即改為斬監候歸入本年秋季審辦

理廣壽等原奏將朱永康發往黑龍江各節既係按照本律定擬卽著毋庸置議理問銜巡檢高文保業經降旨照銜從優議卹著再加恩照四品官議卹○壬申調翁同龢爲工部尙書潘祖蔭爲刑部尙書○禮部左侍郎祁世長因病乞休允之○癸酉調李明墀爲湖南巡撫以勒方鐸爲福建巡撫邵亨豫爲禮部左侍郎○諭前因恩承等奏遵查川省鹽務改辦官運商銷利少弊多與丁寶楨原奏不符當經諭令戶部酌核具奏茲據奏稱川省自開辦官運後迭據該督奏報邊計額引全數銷完復銷滯引至一萬餘張所收稅羨裁釐及雜款至一百餘萬兩是該局之有益課款似尙可懸演貯岸引久懸現在開辦邊甯甯著成效未可遽行更改其改包抽釐一節統核鹽價每斤所加祇在毫釐之間不致違妨民食且該省現時辦法雖屬官運仍由商銷該督摺內既有川鹽旺銷號商添設之語自亦不致病商再查該督所奏邊甯增收銀兩除本省留支外尙能肆應有餘卽以抵捐撥款二十五萬餘兩言之是其盈餘之數當不至八九萬兩請仍飭該督妥籌辦理各等語卽著丁寶楨懷遵閏月二十二日諭旨將官運商銷各事宜悉心區畫慎始圖終封疆大吏整頓地方公事固不可動於浮言亦不可操之過感務令裕課恤商便民均無窒礙方爲不負委任其在事官員尤宜隨時督率勿令日久懈生設有始勤終怠或將來徵收漸絀不能如前撥款不能按期解足及不恤商力不便民用等情則咎有攸歸必惟該督是問並著按照戶部

先後奏咨各案迅即徵收雜款開支局用領收運本及撥還借款數目展期並新收各款如何分別存局解道及此次恩承等原奏所稱不符情節各款詳細查明具奏仍一面分造清冊專案報部核銷不得稍涉含混致滋口實○諭前據崇綸馮譽麟將降調侍衛倣興額控案按律擬奏是日覆據都察院奏倣興額呈訴各情與崇綸等所奏歧異當派志和恩福馳赴吉林覆加審驗定擬具奏茲據崇綸等所派承審司員並無非法濫刑情事齊廣貞之死距刑訊之時已逾十二日並非當堂逼斃其原驗官檢舉不符亦無情弊徐花所供實非刑逼提訊各犯詳釋供詞齊廣貞之裁賊毫無疑義倣興額無可置辨與文忠阿等捏造徐花假供將何姓牽入多方狡展衆證確鑿自有定擬等語此案齊廣貞因齊傅氏誤指何尙魁等爲盜隨同前往搜查挾嫌栽賊確有明證與崇綸所奏相同而倣興額等復捏供刁狡而應按律懲辦降調侍衛倣興額著卽革職發往軍臺効力贖罪領催文忠阿訥舒勒均著革去領催與常慶均杖九十徒二年半照例折枷鞭責發落佐領安楚拉同知恩福未能詳細確驗齊廣貞屍身官屬疏忽著交部議處委員扎拉豐阿馮斌宗王紹岐善慶鍾彥急於取供未能詳慎亦屬不合均著交部議處在逃各犯並著銘安按名緝獲照例懲辦崇綸因前次審擬未能詳細自請議處之處著加恩寬免○予廣西桂平縣節婦邱陳氏旌表○是月德意志國使臣巴爾德回任

五月甲戌朔以譚鈞培爲江蘇布政使○丙子大祀 地於 方澤遣本格恭代行禮○左宗棠奏錄

諭旨並會同伊犁將軍金順瞻示伊犁回民人等從前被賊迫脅未能自拔情尚可原其被劫人眾概可從寬免罪並飭帶兵員弁收城之日不得妄行殺戮等因得 旨該督既出示曉諭自足以安回眾之

心將來收城之日仍當會商金順約束兵勇毋致別啟事端所有投出人眾如何安插之處並著妥籌辦理○丁丑予故道員陳燮於四川建祠○甲辰稽查禁門○戊寅兩○己卯 上詣 大高殿報謝○

庚辰閩敬銘曾國荃奏督省各屬應需雜糧籽種業已撥給賑糧由民自行易換在本地購備散給毋庸赴直採買報聞○諭劉坤一奏紳士庇匪開賭請革職拿辦一摺廣東在籍主事呂元勳身列摺紳膽敢

庇匪在家開設花會總廠誘賭漁利實屬不知自愛刑部主事呂元勳著即革職拿問現獲之陸細才各犯似訊究辦餘著照所議辦理該部知道○壬午丁寶楨奏 前擬奏官運辦有成效未可更改一

摺已將各岸商人聞有官運改易之說心懷疑懼各情形具陳在案茲據各分局委員稟稱邊計計岸各商紛紛具呈以該商等行銷官運歷務年餘以來諸事就緒行銷方冀得手茲聞官運有更改之信商等

以後仍恐受累不堪情急無措懇求作主查官運開辦後積弊盡除商人毫無擾累行銷甚暢並多有持資本赴盼中開股引號者今聞有更改之說是將復從前之苦累更難保後日之成本具畏懼確係實情

卽現在官運局所定撥抵京省各餉與本省道府公費及防邊勇糧爲數不下五十餘萬關係緊要責任非輕現在浮議紛起商人各懷觀望倘行銷因此不暢則國計民生兩者俱誤各將誰歸現出示安慰並飭各局員以官運未可更改各情剴切開導但各商多無遠識設始終疑畏是已成之功敗於一日大局既誤卽以後諸事均無以取信於人措施亦屬爲難下戶部知之○癸未追予江南陣亡總兵陳勝元建祠○甲申諭國子監司業張之洞奏重案定擬未協請旨核議並聲明文武員弁各摺片據稱四川東鄉縣一案皆由前署東鄉縣知縣孫定揚違例苛斂以致聚眾鬧糧又蓄意誣民爲逆具稟請剴實爲此案首惡尙許恩承等濫擬覆奏不引誣告叛逆本例而率合告重事不實之條擬發邊遠充軍又刪去千係重大事情臨時酌量辦理二語實未得其關鍵等語著刑部并入全案核議具奏應行調查案卷並著酌量咨取所稱前綏定府易蔭芝前署太平縣知縣祝士葵總兵謝思友辦理此案尙知政體宜予褒獎等情著刑部於定案時聲明請旨○乙酉諭前據軍機大臣奏請將辦事得力章京刑部郎中馮光勛註銷記名御史仍留軍機處行走當經允准茲據御史梁俊奏稱言官關係緊要請飭嗣後務將得力之員保送御史記名後概不准保留註銷飭部嚴定章程等語軍機處事務煩重得力人員尙有保留及註銷御史成案自應仍照向章辦理此外各衙門堂官嗣後保送御史務當慎選其人不得以不甚得力之

員充數保送記名後概不准保留註銷卽滿吏部嚴定章程以杜取巧至軍機大臣保留章京亦須慎重選擇毋稍冒濫○飭擊軍臺脫逃賊員杜光凱○諭欽奉 慈安端裕康慶昭和莊敬皇太后 慈福端佑康頤昭豫莊誠皇太后懿旨寶盛沈桂芬奏前撰冊文請旨更正並請議處各摺片據稱光緒三年六月翰林院奏醇親王世襲罔替冊文係循照舊式撰擬詞氣究有未安現擬稍事變通於冊內恭錄懿旨另行鐫刻等語卽著照所擬辦理掌院學士寶盛前掌院學士毛昶熙於前撰冊文未能斟酌盡善究屬疏忽均著照例議處○以追辦浙江台州匪徒出力予總兵李新燕等優敘○丙戌廣東省城風災予捐賑出力紳士陳桂士等優敘○丁亥兩○以松森署工部左侍郎○己丑命譚鍾麟入覲以王思沂護理陝西巡撫○辛卯諭吏治以固結民心爲本兵事以整頓營伍爲先近聞各省牧令中每有恣意虐民情事而佐雜各員爲尤甚以致民不聊生流爲匪類又聞東南各省水陸提鎮中竟有賄賣弁缺者將弁得缺後尅扣兵糧窩匪縱賭其小康之戶至以賄賂掛名兵籍冀免苦差訛詐有兵之名無兵之實此等文武各員相習成風吏治兵事安望日有起色言念及此殊堪痛恨嗣後著各督撫留心查察破除情面凡有此等不肖之員立卽嚴行參劾務令從前惡習漸除淨盡以蘇民困而肅營規將此通諭知之○壬辰岐元等奏請盛京宗室禮部工部各添主事一缺報可○熱河都統延煦因病乞休允之○癸巳以崇

綺爲熱河都統○諭張之洞奏四川東鄉一案當事起兵集之時文格批飭各營將加刑洗並非專指外
匪吳奉山一股而言致李有恆等以奉札剿殺爲藉口據稟批行寶屬粗率不量予罪名不足以服李有
恆孫定揚等語著刑部歸入全案一併核議具奏文格著開庫倫辦事大臣缺來京聽候部議○甲午轉
成林爲吏部左侍郎調志和爲吏部右侍郎轉麟書爲戶部左侍郎調崑岡爲戶部右侍郎轉松森爲禮
部左侍郎調桂全爲禮部右侍郎轉阿昌阿爲理藩院左侍郎以鐵祺爲理藩院右侍郎○命奕榕爲庫
倫辦事大臣○乙未諭吏部左侍郎崇厚著充出使俄國欽差大臣○丁酉釋回已革內務府大臣茂林
於張家口○己亥以辦賑出力予道員胡光墉優敘○庚子孔憲毅奏臣恭讀 上諭熱河都統著崇綺
補授欽此在 朝廷以爲熱河辦理開銀而且盜風素熾撫綏彈壓在在均關緊要 聖朝知人善任臣
下曷勝欽佩竊維近日時勢艱難在外之敷布不過一隅而正人在朝其願爲持紀綱隱爲資弼亮者固
一時倚之亦萬世賴之者也昔漢汲黯臥治淮揚而張湯進矣宋范仲淹出視西師而邪說行矣今者
聖明在上誠無慮此然臣竊觀同治初元 皇太后聽政召倭仁於遠方起翁心存於病縉濟濟師師一
時稱盛其所以光輔 毅皇帝十三年 隆平之治者未必不在乎此方今老成凋謝如崇綺之忠臣亮
直而宜留以自輔而使之効用邊隅其可惜也可否收回 成命令崇綺仍以京秩待用並請置諸 皇

帝左右俾賈啟沃則有益 宸修當非淺鮮 臣愚昧之見是 否有當不勝激切待 命之至 上諭御史
孔憲綱奏碩輔不宜遽離請收回崇綺外補成命一摺國家用人內外並重熱河素稱煩劇治理需人茲
特簡崇綺爲都統具有權衡該御史謂使之効用邊隅甚爲可惜殊未悉朝廷用人之至意至所稱請置
左右俾賈啟沃是欲使崇綺在毓慶宮行走也毓慶宮重任出自朝廷特簡豈臣下所宜妄預且前次崇
綺任京職時該御史何以不言而乃於簡放外任之後亟思位置所奏殊屬冒昧著不准行○四川署松
潘中營遊擊順慶營遊擊張應超以縱兵爭地婪索贓物革職○諭都察院奏福建職婦林戴氏以伊子
林文明被殺冤抑京控三次延不訊結並該氏之姪林文燾以伊父奠國伊兄萬得均被羅織等詞赴該
衙門呈訴等語此案前於同治十年七月奉 旨交該督訊辦嗣於光緒二年正月三年十月迭經降旨
飭催何以日久懸宕尙未奏結實屬延玩著閩浙總督福建巡撫親提人證卷宗秉公嚴訊務得確情迅
速具奏並著將林文燾所控情節一併訊結毋再延延抱告民人鄭全林龍該部均照例解往備質○孔
憲誠奏捐納官階流弊雖多而尤以指省爲甚其中請託攀援含混朦蔽種種難以枚舉戶部停止收捐
摺內申明常捐各條外概不准捐而此項竟未經刪除竊查同治年間所定新章雖有指省一節係續增
之例並非會典所載似不應留此弊竇以爲後來官途取巧之地然此事非衆情所樂必思多方沮格可

否斷自 宸衷 特予停止以清弊源其分發一層舊例所有自應仍照辦理以昭核實下戶部議奏○
以緝捕出力予遊擊吳迪文等優敘○辛丑 上詣 大高殿拈香○諭前據李瀚章邵亨豫羅大春聯
銜奏稱常德地方緊要請添設練勇一營以資鎮守當經諭令以該省現無緊要事務勇營足資彈壓所
請添設練勇之處著不准行茲據羅大春奏兵單添練並湘省營政疲敝一時難期整頓各一摺詳加披
覽率係粉飾空言毫無實際如所稱於常辰七協營內加添練兵五百名其原營所出底缺挑選精壯餘
丁充補以供原營差操加練之兵一年期滿發回原營差遣仍挑選精壯兵丁更換訓練不數年間全標
皆成勁旅等語該省標協各營多係該提督所轄儘可就現有額兵隨時認真訓練何以必欲設立加練
名目張大其詞以爲開支餉項地步且兵之強弱在乎將得其人豈一經該提督訓練之後卽令換歸原
標仍食原餉便可承成勁旅耶至謂邵亨豫前奏以練勇爲題並非撫臣初意係該提督公同酌議等語
以練兵而食勇糧是欲以整頓綠營之名而收招募勇營之利尤屬膽大取巧且此次兵單添練一摺輒
敢單銜具陳將督撫會銜於後更與定制不符湖南提督羅大春所請加添練軍之處仍著不准行並交
部議處以示懲儆○壬寅閩敬銘奏山陝豫三省自光緒三年苦遭旱災歷時既久爲地尤寬死亡徧野
誠爲二百年之所無臣奉 命查賑山西及陝之同州尤爲極慘仰賴 聖恩勅下戶部外省白方拯救

我皇太后節省內府金錢頒發普施天下臣民人人感泣捐助至十八省之多海盜蠻鄉無不輸金以濟外國洋人亦且有攜款來施者民窮財盡事迫時危凡在臣下宜如何憫恤災黎更如何懷惶時局乃禮部尚書恩承吏部侍郎董華上年冬間奉使四川沿途經過有足異者迹其所爲若不知山陝非常大災更不知朝廷飭十八省疆臣極力救災之事查大臣過境例合應付夫馬各災區州縣皆先事多方措置雖人夫死亡車馬倒斃自計備支不敢缺少該尚書等亦不必格外自苦但於酒席車馬雜費等項照常支用卽爲地方留養生機乃該尚書侍郎行至晉境每處常帶轎夫雜費折錢百數十千門包零費銀數百十兩酒席折價外又用燕菜燒烤及海菜多桌大車轎車四十餘輛驛馬民馬六十餘匹合計一日尖宿之費官供民派需銀千數百兩夫此銀錢各物不爾自天不湧自地官吏無點金之術車馬無自行之理何莫非饑黎脂膏子遺性命臣與恩承董華曾有一日之誠其行過西安始聞前事民怨煩與臣會馳函告以官民萬分不堪囑其嚴束家丁勿事過累災區觀其答書似不鄙斥臣言乃聞其行至漢中諸吏加厲是其聞過不改非人言所能入臣奉命並查陝西同州賑事本年二月陝西同州屬華州人多名呈訴華州差徭煩重去歲錢糧蒙恩調緩差徭車馬雜用攤派至萬餘串緣陝省酒席車馬銀錢雜用俱歸民辦同州府然應慎實心任事函告饒應祺卽已大爲裁減原呈黏單開寫恩承董華過華州

所用視過管境尤加並赴藏熬茶使臣用項闕者無不昨否臣不敢殫於 上聞應並將在山西安邑縣
所用各項照繕清單恭呈 御覽博訪沿途眾口同詞卽皆家丁所爲日久途長豈覺毫無覺察兼聞恩
承承辦之家丁道經華陰需索雜費鬧至縣署傳聞數年前時和年豐廣壽同善奏使四川各處支應
尙不至如此之甚大臣如此牧令作何從公災區如此他處更可想見民窮已極大局可危臣下無體
國憂民之心需索極日增月加之甚時事如此議者多責州縣之不肖臣以爲未可遽責州縣也此在山
陝撫臣諛屬地主不便斥責臣與恩承董華同一奏使朋友之誼先爲兩告若置同聞兼有民人呈訴
不敢不上陳 君父之前且山陝百姓差徭過累平日田產所入難資糊口以致戶鮮蓋藏罹此奇災幾
成大變未諳民事者或僅請供應煩擾過客恆情豈知擾累太甚有異尋常並非望以難能過爲刻責且
山陝正在辦賑 朝廷如何軫恤小民四方捐賑善士如何竭力輸將展查牧令惟恐涓埃不實而地方
官民忽加此非常擾害其於賑事有不能責問者臣職司查賑尤爲悚息又臣奉 旨飭減差徭過此容
隱則 詔書頒行無人不視爲具文鍋粥養生民無生計變亂之乘何堪思欲反積重惡習必應始自
貴近卽期懸民困以杜亂萌不得不痛切上陳任此怨謗 上諭聞敬銘奏使大臣過境擾累殊甚據
實稟陳一摺據稱恩承董華上年奏使四川行至山西境內每處酒席門包及各項支應一日之費官供

民淚霑銀千數百兩聞其行至陝西漢中諸吏加厲復據華州民人呈訴恩承等過該州時所見視過營境尤加並聞恩承等家丁在華陰縣有需索雜費隔至縣署之事謹將恩承等經過山西安邑縣及陝西華州支應各項開單呈覽等語大員奉命出差沿途經過地方豈容絲毫擾累況陝西正在辦賑尤當體恤災區乃恩承等道經該兩省支應浩繁並不約束家丁致有需索情事毫無督察咎實難辭以承章華均著交部嚴加議處○以鈺安爲吉林將軍○是月美利堅國使臣西華回任○英吉利國使臣威安滿回任